

陆宣公集

第一函
第三册

新天知
PDG

序

讀唐史至建中朝。未嘗
不嘆息痛悼。帝以強敏
之資。蹈歷阻險。亦廩廩
興滯。飭蠱有庶幾之心。

獨其保信奸回。斥棄良
正。自神堯以來。未有計
不返顧。習與性成。如帝
之甚者也。迺後賢謂宣
公敬輿。仕不遇時。殆未

盡然。夫公疎逃臣也。錄

春宮耳名。置左右。口啣

絲綸。手組論思。所摩切

開陳。皆杓鑿上旨。然嘗

數見承問。凡軍國利害。

無不諮謀。雖古英達。其
何以加。卽言不盡庸。未
竟施用。要在德宗時。何
可謂非遇也。且漢孝文
何如主。當前席夜分。自

嘆不及。豈有所未稱意。
乃終梁傅世。不復聞長
樂鼓鐘。長孺雖戇。孝武
固知其爲社稷臣。卒棄
居郡。不使與朝廷事。若

公出入禁闥垂二十年。

所獻納以億萬言。方諸

二臣所遭會固殊。又孰

幸孰不幸耶。雖然良非

幸。嘗讀公書。察其所以。

蓋深言昌諫。而本之以

和。切事極情。而持之以

朴。長思博辨。而馴之以

靜。此公之匡拂猜朝。陰

雲匝繞。而猶克自全者。

與論者闇於大義。謂公
宜順時。飈舉不宜久居
朝廷。嗟乎。帝以特達。深
遇公。當逡巡行在。追呼
相倚。所謂外託君臣之

義。內結骨肉之親者。非

耶。潔躬遠咎。豈吾公所

宜爲。至若衣白山人。寄

期煙石。與時委蛇。此又

不去權詭。非公匹也。後

代如子瞻氏諸奏章。諄
諄寢兵恤民。親賢遠佞。
大指歸本敬輿。而子瞻
之氣駿決。不及公之氣
舒平。然則善讀公書者。

其或有進于此與噫尚
有典刑。幸遇明聖。相與
講磨精白。以馴致和平。
其勗之矣。

南京國子監祭酒前

經筵講官左諭德兼翰

林院陳仁錫撰



陸宣公集

順宗實錄傳

韓文公

贈故忠州別駕陸贄兵部尚書贄字敬輿吳郡人也。年十八進士及第。又以博學宏詞授鄭縣尉。書判拔萃。授渭南尉。遷監察御史。未幾。選爲翰林學士。遷祠員外郎。德宗幸奉天。贄隨行在天下騷擾。遠近徵發書詔。一日數十下。皆出於贄。贄操筆持紙。成於須臾。不復起草。同列皆拱手嗟嘆。不能有所助。嘗啓德宗言。當今書詔宜

痛自引過罪已以感人心昔成湯以罪已致興
後代推以爲賢楚王失國亡走一言善而復其
國至今推爲賢者陛下誠能不吝改過以言謝
天下臣雖愚陋爲詞詔無所忌諱庶能令天下
叛逆者回心喻旨德宗從之故行在制詔始下
聞者雖武夫悍將無不揮淚感激議者咸以爲
德宗剋平寇難旋復天位不惟神武成功爪牙
宣力蓋以文德廣被腹心廣助焉累遷考功郎
中諫議大夫中書舍人兼翰林學士丁母憂免

喪權知兵部侍郎復入翰林中外屬意旦夕矣其爲相竇參忌之贊亦短參之所爲且言其黷貨於是與參不能平尋真拜爲兵部侍郎知禮部貢舉於進士中得人爲多八月春遷中書侍郎平章事令吏部每年集選人舊事吏每年集人其後遂三年一置選選人猥至文書多不了尋勘真僞紛雜吏因得大爲奸巧選人一蹉跌或至十年不得官而官之闕者或累歲無人贊令吏部分內外官員爲之分計闕集人以爲其

弊十去七八。天下稱之。初竇參出李巽爲常州刺史。且迫其行。巽常銜之。至參貶爲郴州別駕。巽適遷湖南觀察。德宗常與參言。故相姜公輔罪。參漏其語。貶公輔。因上疏自陳其事。非臣之過。德宗詰之。知參洩其語。怒未有所發。會巽奏汴州刺史劉士寧遺參金帛若干。寧得汴。參處其議。士寧常德之。故致厚貶。德宗以參得罪。而與武將交結。發怒。竟致參於死。而議者多言參死繇贄焉。裴延齡判度支。天下皆疾怨。而獨幸。

於天子朝廷無敢言其短者。贊獨身當之。日陳其不可用。延齡欲去贊而代之。又知贊之不與已。多阻其奏請也。謗毀百端。翰林學士吳通玄故與贊同職。姦巧佻薄。與贊不相能。知贊與延齡相持有間。因盛言贊短。宰相趙悍本贊所引。同對嫉贊之權。密以贊所戢彈延齡事告延齡。延齡因得以爲計。繇是天子益信延齡而不直。贊竟罷相。以爲太子賓客。而黜張滂、李克等。權。

朱子考異曰：按史滂、克皆以裴延齡得罪。此但著黜滂、克等而上文不言其所以得罪之繇。蓋

脫漏也

言事者皆言其屈

考異云皆或作多

贊因懼畏至

爲賓客拒門不納交親士友春旱德宗數獵苑延齡數言贊等失權怨望言於衆曰天下旱百姓且流亡度支愛惜不肯給諸軍軍中人無所食其事奈何以搖動羣心其意非止欲中傷臣而已後數日又獵苑中會神策軍人跪馬前云度支不給馬草德宗意延齡前言卽迴馬而歸繇是貶贊爲忠州別駕滂克皆斥逐德宗怒未解賴陽城等救乃止贊之爲相常以少年入翰

林得幸於天子。長養成就之。不敢自愛。事之不可者。皆爭之。德宗在位久。益自攬持。機柄親治。細事。失君人大體。宰相益不得行其事。職而議者。乃云。繇贊而然。贊居忠州十餘年。常閉門。不出入。人無識面者。避謗不著書。集醫方。集古驗方。五十卷。卒於忠州。年五十二。初卽位。與鄭餘慶。陽城同徵。詔始下。而城贊皆卒。

...

...

...

...

...

...

...

。乞校正陸贄奏議劄子

蘇文忠公

元祐八年五月七日蘇軾同呂希哲吳安詩豐稷趙彥若范祖禹顧臨劄子奏臣等猥以空疎備員講讀聖明天縱學問日新臣等才有限而道無窮心欲言而口不逮以此自愧莫知所爲竊謂人臣之納忠譬如醫者之用藥藥雖進于醫手方必傳于古人若已經効于世間不必皆從于已出伏見唐宰相陸贄才本王佐學爲帝師論深切于事情言不離于道德智如子房而

文則過辯如賈誼而術不疎。上以格君心之非。下以通天下之志。但其不幸。仕不遇時。德宗以苛刻爲能而贊諫之以忠厚。德宗以猜疑爲術而贊勸之以推誠。德宗好用兵而贊以消兵爲先。德宗好聚財而贊以財散爲急。至于用人聽言之法。治邊馭將之方。罪已以收人心。改過以應天道。去小人以除民患。惜名器以待有功。如此之流。未易悉數。可謂進苦口之藥石。鍼害身之膏肓。使德宗盡用其言。則貞觀可得而。

等每退自西閣卽私相告言以陛下聖明必喜
贊議論但使聖賢之相契卽如臣主之同時昔
馮唐論頗牧之賢則漢文爲之太息魏相條鼂
董之對則孝宣以致中興若陛下能自得師莫
若近取諸贊夫六經三史諸子百家非無可觀
皆足爲治但聖言幽遠末學支離譬如山海之
崇深難以一二而推擇如贊之論開卷了然聚
古今之精英實治亂之龜鑑臣等欲取其奏議
稍加校正繕寫進呈願陛下置之座隅如見贊

面反覆熟讀。如與贊言。必能發聖性之高明。成
治功於歲月。臣等不勝區區之意。取進止。

唐陸宣公翰苑集敘

唐權德輿撰

嘗讀賈誼書。觀其經制人文。鋪陳帝業。術亦至矣。待之宣室。恨得後時。遇亦深矣。然竟不能達四聰而盡其善。排羣議而試厥謀。道之難行。亦已久矣。東陽絳灌。何代無之。嘻。一薰一蕕。善劑不能同其器。方鑿圓柄。良工無以措巧心。所以理世少而亂日多。大雅衰而正聲寢。漢道未融。旣失之於賈傅。吾唐不幸。復擯棄於陸公。公諱贄。字敬輿。吳郡蘇人。溧陽令侃之子。年十八登

進士第。應博學宏詞科。授鄭縣尉。非其好也。省
母歸。壽春刺史張鎰有名於時。一獲晤言。大加

賞識。暨別。鎰以泉貨數萬爲賚。曰。願以此奉太
夫人。一日之膳。公悉辭之。領新茶一串而已。是

歲。以書判拔萃。調渭南簿。

本傳作尉

御史府以監察

換之。德宗皇帝春宮時。知名。召對翰林。卽日爲
學士。由祠部員外轉考功郎中。朱泚之亂。從幸
奉天。時車駕播遷。詔書旁午。公灑翰卽成。不復
起草。初若不經思慮。及成而奏。無不曲盡事情。

中於機會。倉卒填委。同職者無不拱手歎伏。不能復有所助。嘗從容奏曰。此時詔書。陛下宜痛自引過。以感人心。昔禹湯以罪已。勃興楚昭以善言。復國。陛下誠能不恡改過。以言謝天下。俾臣草辭。無諱庶幾。羣盜革心。上從之。故行在詔書始下。雖武人悍卒。無不揮涕激發。議者以德宗克平寇亂。不惟神武之功。爪牙宣力。蓋亦資文德腹心之助焉。及還京師。李抱真來朝。奏曰。陛下在山南時。山東士卒聞書詔之辭。無不感。

泣○思○奮○臣○節○臣○知○賊○不○足○平○也○公○自○行○在○帶○本
職○拜○諫○議○大○夫○中○書○舍○人○精○敏○小○心○未○嘗○有○過
艱○難○扈○從○行○在○輒○隨○啓○沃○謀○猷○特○所○親○信○有○時
讌○語○不○以○公○卿○指○名○但○呼○陸○九○而○已○初○幸○梁○洋
棧○道○危○狹○從○官○前○後○相○失○上○夜○次○山○館○召○公○不
至○泫○然○號○於○禁○旅○曰○得○陸○贄○者○賞○千○金○頃○之○公
至○太○子○親○王○皆○賀○初○公○既○職○內○署○母○韋○氏○尚○在
吳○中○上○遣○中○使○迎○致○京○師○道○路○置○驛○文○士○榮○之
丁○韋○夫○人○憂○去○職○持○喪○於○洛○遣○人○護○溧○陽○之○柩○

附葬河南。上遣中使監護其事。四方賻遺百萬。公一無所取。素與蜀帥韋南康布衣友善。韋令每月置遺。公奏而受之。服闋復內職。權知兵部侍郎。覲見之日。天子爲之興。改容敘弔。優禮如此。內外屬望。旦夕俟其輔政。爲竇叅忌嫉。故緩之。真拜兵部侍郎。知貢舉。得人之盛。公議稱之。貞元八年。拜中書侍郎平章事。公以少年入侍內殿。特蒙知遇。不可與衆浮沉。苟且自愛。事有不可必諍之。上察物太精。躬臨庶政。失其大體。

動與公違。姦諛從而間之。屢至不悅。親友或規之。公曰。吾上不負天子。下不負吾所學。不恤其他。公精於吏事。斟酌剖決。不爽鎔銖。其經綸制度。具在德宗實錄。及竇叅納劉士寧之賂爲李巽所發。得罪左遷。橫議者以公與叅素不協。歸罷相之議於公。戶部侍郎判度支裴延齡以姦回得幸。害時蠹政。物議莫敢指言。公獨以身當之。屢言不可。翰林學士吳通玄忌公先達。每切中傷。陰結延齡。互言公短。宰相趙憬公之引拔。

升爲同列。以公排邪守正。心復異之。羣邪沮謀。直道不勝。十年退公爲賓客。罷政事。明年夏旱。芻糧不給。軍校訴於上。延齡奏曰。此皆陸贄輩。怨望。鼓扇軍人也。貶公忠州別駕。上怒不可測。賴陽城張萬福救之。獲免。蜀帥韋令杭表請以贄代已。歲賂資糧。公在南賓。閉門却掃。郡人稀識其面。復避謗。不著書。惟考按醫方。撰集驗方五十卷。行於世。江峽十稔。永貞初。與鄭餘慶陽城同徵還。公已薨歿。時年五十二。公之秉筆內

署也。推古楊今雄文藻思敷之爲文。誥伸之爲
典。謨俾獯狡向風。懦夫增氣。則有制誥集一十
卷。覽公之作。則知公之爲文也。潤色之餘。論恩
獻納。軍國利害。巨細必陳。則有奏草七卷。覽公
之奏。則知公之爲臣也。其在相位也。推賢與能。
舉直措枉。將幹璿衡而揭日月。清氛沴而平泰
階。敷其道也。與伊說爭衡。考其文也。與典謨接
軫。則有中書奏議七卷。覽公之奏議。則知公之
事君也。古人以士之遇也。其要其四焉。才位時

命也。仲尼有才而無位，其道不行。賈生有時而無命，終於一慟。惟公才不謂不長，位不謂不達。逢時而不盡其道，非命歟？裴氏之子焉，能使公不遇哉？說者又以房、魏、姚、宋逢時遇主，克致清平。陸君亦獲幸時君，而不能與房、杜爭列。蓋道未至也。應之曰：道雖在我，弘之在人。蜚蝗竟天，農稷不能善稼。奔車覆轍，丘軻亦廢規行。若使四君與公易時而相，則一否一臧，未可知也。而致君不及貞觀，開元者，蓋時不幸也。豈公不幸

哉。以爲其道未至。不亦誣乎。公之文集。有詩文
賦集表狀爲別集。十五卷。其關於時政。昭昭然
與金石不朽者。惟制誥奏議乎。雖已流行。多謬
編次。以今類相從。冠於編首。兼畧書其官氏景
行。以爲序引。俾後之君子。覽公制作。效之爲文。
爲臣事君之道。不其偉歟。

新唐書本傳

宋景文公

陸贄字敬輿。蘇州嘉興人。十八第進士。中博學宏詞。調鄭尉。罷歸。壽州刺史張鎰有重名。贄往見。語三日。竒之。請爲忘年交。旣行。餉錢百萬。曰。請爲母夫人一日費。贄不納。止受茶一串。曰。敢不承公之賜。書判拔萃。補渭南尉。德宗立。遣黜陟使庾何等十一人行天下。贄說使者。請以五術省風俗。八計聽吏治。三科登俊義。四賦經財。實六德。保罷瘵。五要簡官事。五術曰。聽謠。誦審。

其哀樂。納市價。觀其好惡。訊簿書。考其爭訟。覽
車服。等其儉奢。省作業。察其趨舍。入計曰。視戶
口。豐耗以稽。撫字。視墾田。盈縮以稽。本末。視賦
役。薄厚以稽。廉冒。視案籍。煩簡以稽。聽斷。視囚
繫。盈虛以稽。決滯。視奸盜。有無以稽。禁禦。視選
舉。衆寡以稽。風化。視學校。興廢以稽。教導。三科
曰。茂異。賢良。幹蠱。四賦曰。閱稼。以奠稅。度產。以
征料。丁壯。以計庸。占商賈。以均利。六德曰。敬老
慈幼。救疾恤孤。賑貧窮。任失業。五要曰。廢兵之

冗食。蠲法之擾人。省官之不急。去物之無用。罷事之非要。時皆聽其言。帝在東宮。已聞其名矣。召爲翰林學士。會馬燧討賊河北。久不決。青濟師李希烈寇襄城。詔策安出。贊言。今幽燕恆衛之勢。緩而禍輕。汝洛滎汴之勢。急而禍重。若迎李芑。河陽以援東都。李懷光解襄陽之圍。專以太原澤潞兵抗山東。則梁宋安。又言。今朔方太原衆已屯山東。而神策六軍悉戍關外。萬一有如朱滔。李希烈。負固邊壘。竊登都甸者。何以備。

之。神策及將家子占而東者。追還之。凡京師稅
間架。權酒酤。貫貸商點。召之令一切停之。則端
本整棼之術。帝不納。後涇師急變。贄言皆效焉。
從狩奉天。帝倉卒變故。每自剋責。贄曰。陛下引
咎。堯舜意也。然致寇者。乃羣臣罪。帝悟。扣盧杞
等。因曰。卿不忍歸過朕。有是言哉。然自古興衰。
其亦有天命矣。今之厄運。恐不在人也。贄退而
上書極論。帝又問贄。事切於今者。贄勸帝宜推
誠於羣臣。務使極言得失。以軍務對者。見不以

時聽納無倦。兼天下之智以爲聰明。帝曰：朕豈不推誠。願上封者。惟譏斥人短長。類非忠直。往謂君臣一體。故推誠不疑。今茲之禍。惟誠之弊也。又諫者不密。要須歸曲於朕。以自取名。朕嗣位見言事多矣。大抵雷同道聽。加質則窮。故頃不詔次對。豈曰倦哉。贄又上表極諫。時賊未平。帝欲明年遂改元。而術家爭言。類終百六。宜有所變。示天下復始。帝乃議更大號。贄不可。帝曰：卿言固善。然要當小有變革。爲朕計之。贄奏言。

若以時屯當有變革不若引咎降名以祇天戒
帝從之會興元赦令方具帝以藁付贄使商討
其詳贄欲激帝使疆其意卽建言悔過不得不
深引咎不得不盡招延不可不廣潤澤不可不
弘先斷厥志以施其詞度可行者而宣之不可
者措之無苟於言以取悔帝納之始帝播遷府
庫委棄衛士無褚衣至是貢奉稍至乃於行在
夾廡署瓊林大盈二庫別藏貢物贄諫以爲今
師旅方盛瘡痛呻吟之聲未息遽以珍貢私於

別。庠。恐。羣。下。有。所。觖。望。請。悉。出。以。賜。有。功。帝。悟。
卽。撤。其。署。時。幾。務。填。總。遠。近。調。發。奏。請。報。下。書。
詔。曰。數。百。贄。初。若。不。經。思。建。成。皆。周。盡。事。情。衍。
繹。熟。復。人。人。可。曉。旁。吏。承。寫。不。給。他。學。士。筆。閣。
不。得。下。而。贄。沛。然。有。餘。李。懷。光。有。異。志。欲。怒。其。
軍。使。叛。卽。上。言。兵。廩。與。神。策。不。等。難。以。戰。李。晟。
密。言。其。變。因。請。移。屯。帝。遣。贄。見。懷。光。議。事。贄。與。
懷。光。語。及。晟。懷。光。妄。詫。曰。吾。無。所。藉。晟。贄。因。卽。
美。其。疆。雄。使。不。得。翻。覆。還。奏。懷。光。寇。奔。不。追。師。

老不用。羣帥欲進。輒阻止其謀。此必反。宜有以
制之。因勸帝許晟移軍。復請下詔書。如其意。且
無辭歸短於朝。又建遣李建徽。楊惠元與晟并
屯西渭橋。託言晟兵寡不足與賊。俾爲犄角。卽
懷光不欲遣。且辭窮無以沮解。帝猶豫曰。晟移
屯。懷光固已怏怏。若又遣建徽等俱屯。彼且爲
辭。稍須之。不閱旬。懷光果奪兩節度兵。建徽挺
身。惠元死之行。在震驚。遂徙幸梁道。有獻瓜果
者。帝嘉其意。欲授以試官。贄曰。爵位天下之公。

器不可輕也。帝曰：試官虛名，且已與宰相議矣。卿其無嫌，贄奏員外。試官與勳號同，然而突銛鋒，排禍難者，以酬之，可謂重矣。今獻瓜果，則授之。彼忘軀命者，必且互相謂曰：吾之軀命，乃同於瓜果，瓜果草木也。若草木然，人何勸哉！夫田父野人，必欲得其歡心，厚賜之可也。至山南道險澁，帝與從官相失，夜召贄，不得，驚且泣。詔軍中得贄者，賞千金。頃之上謁，喜見，顏間。且太子以下皆賀。俄以勞遷諫議大夫，仍爲學士。時鳳

翔節度使李楚琳殺張鎰得位。雖數貢奉。議者頗言其挾兩端。有所徂同。然帝亦不能容其使。贄諫曰。楚琳之罪舊矣。而議者乃始紛紜不晚哉。且勤王之師在畿內者。急宜亟告。景刻不可差。商嶺旣回遠。而駱谷又爲賊所扼。通天命者。惟褒斜耳。若復阻。則諸鎮之向背者。我勝則來。賊勝則往。此焉幾會。不容蹉跌。使楚琳逞忿。敢爲猖獗。南塞要途。東與賊合。則我咽喉梗。而心膂分矣。豈不病哉。今願望兩端。是乃天誘其衷。

通歸塗濟大業也。帝釋然盡召見其使，優詔勞安之。贄嘗爲帝言：今盜徧天下，宜痛自咎悔，以感人心。昔成湯罪已，以興楚昭王出奔，以一言善復國。陛下誠不吝改過，以言謝天下，使臣持筆無所忌。庶叛者革心，帝從之。故奉天所下制書，雖武夫悍卒，無不感動流涕。後李抱真入朝，爲帝言：陛下在奉天，山南時赦令至山東，士卒聞者皆感泣，思奮。臣是時知賊不足平，議者謂興元勘難，雖瓜牙宜力。蓋贄有助焉。帝欲以內

外從官普號定難功臣。贊不可乃止。初劉從一
姜公輔等材下不逮。贊遠甚。徒以單言暫謀。偶
有合。由下位逮台宰。而贊孤立。一意爲左右權。
幸沮短。又言事無所回。諱陰失帝意。久之不得
宰相。還京。但爲中書舍人。毋韋猶在江東。帝遣
中人迎還京。俄以喪解官。客東都。又詔中人護
父喪。至自吳會。改葬洛陽。諸方賻遺一不取。惟
韋臯以布衣交先。以聞。故所致輒稱。詔之服除。
以權知兵部侍郎。復詔爲學士入謝。帝改容慰。

撫眷遇彌渥。天下屬以爲相。而竇參素不平。忌之。贊亦數言參罪失。貞元七年。罷學士。以兵部侍郎知貢舉。參黜。乃以中書侍郎同平章事。帝始任楊炎。盧杞引植私黨。排忠良。天下怨疾。貞元後。懲艾其失。雖置宰相。至除用庶官。反覆考詰。乃得下。及至秉政。始請臺閣長官。得薦自其屬。有不職坐舉者。帝初許之。或言諸司所引。皆親黨。招賂遺。無才實。帝復詔宰相自擇。贊奏言。臺省長官。僕射尚書丞郎。御史大夫中丞是也。

陞下擇輔相多出其中。今乃謂不得進一二屬
吏。豈後位宰相則可擇天下之材乎。夫擇宰相
以重於庶品。選長官以愈於下流。及宰相獻言。
長吏選士。則又納橫議。廢始謀。是任以重者輕
其方。待以輕者重其任也。帝雖嘉之。然卒停薦
士。詔舊制。吏部選以歲集。乾元後。天下兵興。率

一調。吏員稽壅。則案牘叢淆。僞冒蒙真。吏
緣以爲姦。廢置無綱。至十年不被調者。缺員或
累歲不補。贊請以內外員三分之。每歲計闕集

人檢柅吏奸。天下便之。當是時。賈耽。盧邁。趙憬。與贄同在位。每吏關白。三人者更相顧。不肯判。贄又請如故事。旬一人秉筆。所咨輒判。又以西北邊歲調河南江淮兵士。不素練戰。數敗。將統制不一。無以應敵。乃上陳八利六失。請罷四方之防秋者。以其數析而三之。其一責本道節度募壯士願屯邊者。徒焉。其一則第以本道衣廩責關內河東者。募蕃漢子弟願傳軍者。給焉。其一以所輸資糧。給應募者。以安其業。詔度支市

牛召工就諸營繕完器具至者家給牛一。耕耨
水火之器畢具。一歲給二口糧。賜種子勸之。播
蒔。須一年則使自給。有餘粟者。縣官倍價以售
之。則人自爲戰。處則家自爲耕。建文武大臣爲
元帥。各以臨邊要州爲治所。治所部州若府。遴
選良吏爲刺史。外奉軍興。內課農桑。慎守中國
所長。謹行當今所易。帝愛重其言。不從也。班宏
度支卒官。贄薦李巽。帝謾許之。而自用裴延齡。
天下仇惡不敢言者。贄上書苦諫。帝不懌。竟以

太子賓客罷。贄本畏慎。未嘗通賓客。延齡揣帝意薄。讒短百緒。帝發怒。欲誅贄。賴陽城等文章論辨。乃貶忠州別駕。後稍思之。薛延爲刺史。諭旨令慰勞。韋臯數上表請贄代領劔南。帝猶啣之。不肯與。順宗立。召還。詔未至卒。年五十二。贈兵部尚書。謚曰宣。始贄入翰林。年尚少。以才幸天子。常以行呼而不名。在奉天朝夕進見。然小心精潔。未嘗有過。由是帝親倚。至解衣衣之。同類莫敢望。雖外有宰相主大議。而贄常居中參

裁可否。時號內相。及輔政。不敢自顧。重事有可
否。必言之。所言皆剴拂帝短。懇到深切。或規其
太過者。對曰。吾上不負天子。下不負所學。遑他
恤乎。旣放荒遠。嘗闔戶。人不識其面。又避謗。不
著書。地苦瘴癘。祇爲古今集驗方。示鄉人云。
贊曰。德宗之不亡。顧不幸哉。在危難時。聽贊言
及已平。追仇盡。言怫然。以讒倖逐。猶棄梗。至延
齡輩。則寵任盤桓。不移如山。昏佞之相濟也。世
言贊罷翰林。以爲與吳通玄兄弟爭寵。竇參之

死。贄。漏。其。言。非。也。夫。君。子。小。人。不。兩。進。邪。詔。得。
志。則。正。士。危。何。可。嘗。耶。覩。贄。論。諫。數。十。百。篇。譏。
陳。時。病。皆。本。仁。義。可。爲。後。世。法。炳。炳。如。丹。帝。所。
用。纔。十。一。唐。祚。不。競。惜。哉。

Faint vertical text columns, likely bleed-through from the reverse side of the page. The text is illegible due to fading and low contrast.

陸宣公集總目

史官 長洲陳仁錫明卿父評閱

夏孔昭闇如 簡 捷來徐

後學李 楷仲木 夏 冲二中叅閱

朱 袞九章 何 桌中剛

卷之一

制

卷之二

制

卷之三

制詔

卷之四

詔

卷之五

誥勅

卷之六

冊文告謝制策答表

卷之七

卷制十六

卷之八

卷制十五

卷之九

卷制十四

卷之十

賜券文勅書賜書

卷之十一

卷狀

卷之十二

狀

卷之十三

狀

卷之十四

狀

卷之十五

狀

卷之十六

狀

卷之十七

狀

卷之十八

狀

卷之十九

狀

卷之二十

狀

卷之二十一

狀

卷之二十二

狀

卷之二十三

條論六

卷之二十四

論姦蠹書

總目終

陸宣公集目錄

制誥

卷之一

奉天改元大赦制

平朱泚後車駕還京大赦制

卷之二

貞元改元大赦制

冬至大禮大赦制

卷之三

貞元九年冬至大禮大赦制

蝗蟲避正殿降免囚徒德音

誅李懷光後原宥河中將吏并招諭淮

卷之四 西詔

誅李希烈後原宥淮西將吏并授陳仙

奇節度詔

重原宥淮西將士詔

卷之四

賑恤諸道將吏百姓等詔

優卹畿內百姓并除十縣令詔

重優復興元府及洋鳳等州百姓詔

議減鹽價詔

賜京畿及同華等州百姓種子賑給貧

人詔

賜將士名奉天定難功臣詔

改梁州爲興元府升洋州爲望州詔

卷之五

奉天遣使宣慰諸道詔

收復京師遣使宣慰將吏百姓詔

平淮西後宴賞諸軍將士放歸本道詔

授王武俊李抱真官封并招諭朱滔詔

招諭淮西將吏詔

招諭河中詔

安撫淮西歸順將士百姓勅

甄獎陷賊守節官詔

令百寮議大禮期日詔

不許諸軍侵擾勅

放淮西生口歸本貫勅

令諸道募靈武鎮守人詔

卷之六

冊淑妃王氏爲王后文

冊嘉誠公主文

冊淑王妃文

冊杞王妃文

告謝昊天上帝冊文

告謝玄宗廟文

告謝肅宗廟文

告謝代宗廟文

祭大禹廟文

制策問賢良方正能直言極諫科

制策問博通墳典達於教化科

制策問識洞韜略堪任將帥科

答宰相請停大禮表

答百寮請停大禮表

答第二表

答第三表

答百寮賀利州連理木表

答宰臣請復御膳表

答百寮請復御膳表

卷之七

李晟司徒兼中書令制

蕭復劉從一姜公輔平章事制

張延賞中書侍郎平章事制

渾瑊侍中制

陸宣公集
四
盧翰劉從一門下中書侍郎平章事制

劉滋崔造齊映平章事制

李納檢校左僕射平章事制

韓滉檢校左僕射平章事制

李勉太子師制

姜公輔左庶子制

崔造右庶子制

盧翰太子賓客制

卷之八

賈耽東都留守制

崔縱東都留守制

普王荆襄江西等道兵馬都元帥制

馬燧渾城副元帥招討河中制

李晟鳳翔隴西節度兼涇原副元帥制

劉洽檢校司空充諸道兵馬都統制

卷之九

渾瑊京畿金商節度使制

杜亞淮南節度使制

虞王申光隨蔡等州節度使制

唐朝臣振武節度使論惟明廊坊觀察

使制

韓滉加檢校右僕射制

嘉王橫海軍節度使制

馬燧李臯賜實封制

韓滉度支鹽鐵轉運等使制

李叔明右僕射制

李澄贈司空制

除鄧州歸順官制

李納檢校司空制

卷之十

賜李納王武俊等鐵券文

賜安西管內黃姓燾官鐵券文

慰問四鎮北庭將吏勅書

與回紇可汗書

賜吐蕃將書

賜吐蕃宰相尚結贊書三

奏草

卷之十一

論關中事宜狀

論兩河及淮西利害狀

卷之十二

論敘遷幸之由狀

奉天論奏當今所切務狀

奉天論前所答奏未施行狀

卷之十三

奉天論尊號加字狀

重論尊號狀

奉天論赦書事條狀

奉天論擬與翰林學士改轉狀

奉天請數對羣臣兼許令論事狀

卷之十四

奉天請罷瓊林大盈二庫狀

奉天論解蕭復狀

奉天薦袁高等狀

奉天論李晟所管兵馬狀

奉天奏李建徽楊惠元兩節度兵馬狀

駕幸梁州論進獻瓜果人擬官狀

又論進瓜果人擬官狀

卷之十五

興元論解姜公輔狀

又答論姜公輔狀

興元論請優獎曲環所領將士狀

興元論解蕭復狀

又答論蕭復狀

興元論續從賊中赴行在官等狀

卷之十六

興元請撫循李楚琳狀

興元論中官及朝官賜名定難功臣狀

興元賀吐蕃尚結贊抽軍迴歸狀

興元奏請許渾城李晟等諸軍兵馬自

取機便狀

興元論賜渾城詔書爲取散失內人等

議狀

卷之十七

鑾駕將還宮闕論發日狀

請釋趙貴先罪狀

論替換李楚琳狀

收復河中後請罷兵狀

奏議

卷之十八

請許臺省長官舉薦屬吏狀

論宣令除裴延齡度支使狀

論齊暎齊抗官狀

請遣使臣宣撫諸道遭水州縣狀

論淮西管內水損處請同諸道遣宣慰

使狀

論嶺南請於安南置市舶中使狀

卷之十九

請減京東水運收脚價於沿邊州鎮儲

蓄軍糧事宜狀

商量處置竇參事體狀

奏議竇參等官狀

請不簿錄竇參莊宅狀

請還田緒所寄撰碑文馬絹狀

卷之二十

謝密旨因論所宣事狀

議汴州逐劉士寧事狀

請不與李萬榮汴州節度使狀

請依京兆所請折納事狀

論度支令京兆府折稅市草事狀

卷之二十一

論邊城貯備米粟等狀

論沿邊守備事宜狀

卷之二十二

論左降官准赦合量移事狀

又奏量移官狀

又進量移官狀

論朝官闕員及刺史等改轉倫序狀

卷之二十三

均節賦稅恤百姓六條

其一論兩稅之弊須有釐革

其二請兩稅以布帛爲額不計錢數

其三論長吏以增戶加稅闢田爲課

績

其四論稅期限迫促

其五請以稅茶錢置義倉以備水旱

其六論兼并之家私歛重于公稅

卷之二十四

論裴延齡姦蠹書一首

陸宣公集目錄

終

論集或論或書一覽

卷之二

陸宣公制誥卷之一

史官

長

洲陳仁錫明卿父評閱

○ ○ ○ 奉天改元大赦制

門下致理興化。必在推誠忘已。濟人不吝。改過

朕嗣守丕構。君臨萬方。失守宗祧。越在草莽。不

念率德。誠莫追於既往。永言思咎。期有復於將

來。明徵厥初。以示天下。惟我烈祖。邁德庇人。致

俗化於和平。拯生靈於塗炭。重熙積慶。垂二百

年。伊爾卿尹庶官。洎億兆之衆。代受亭育。以迄

中樞密謀。與口代天。言若出二人。便不能。委致無憾。奉天一詔。公謀之。公言之。詳明。愷切。

於今功存於人。澤垂於後。肆予小子。獲纘鴻業。懼德不嗣。罔敢怠荒。然以長於深宮之中。暗於經國之務。積習易溺。居安忘危。不知稼穡之艱。難不察。征戍之勞苦。澤靡下究。情不上通。事既壅隔。人懷疑阻。猶昧省已。遂用興戎。徵師四方。轉餉千里。賦車籍馬。遠近騷然。行齋居送。衆庶勞止。或一日屢交鋒刃。或連年不解甲冑。祀奠乏主。室家靡依。生死流離。怨氣凝結。力役不息。田萊多荒。暴命峻於誅求。疲疇空於杼軸。轉死

溝。壑。離。去。鄉。閭。邑。里。丘。墟。人。煙。斷。絕。天。譴。於。上。
而。朕。不。悟。人。怨。於。下。而。朕。不。知。馴。致。亂。階。變。興。
都。邑。賊。臣。乘。釁。肆。逆。滔。天。曾。莫。愧。畏。敢。行。凌。逼。
萬。品。失。序。九。廟。震。驚。上。辱。於。祖。宗。下。負。於。黎。庶。
痛。心。覩。貌。罪。實。在。予。永。言。愧。悼。若。墜。深。谷。賴。天。
地。降。祐。神。人。叶。謀。將。相。竭。誠。爪。牙。宣。力。屏。逐。大。
盜。載。張。皇。維。將。弘。永。圖。必。布。新。令。朕。晨。興。夕。惕。
惟。念。前。非。乃。者。公。卿。百。寮。累。抗。章。疏。猥。以。微。號。
加。於。朕。躬。固。辭。不。獲。俯。遂。輿。議。昨。因。內。省。良。用。

此數句
雖赦亦不
為過

矍然體陰陽不測之謂神與天地合德之謂聖
 顧惟淺昧非所宜當文者所以化成武者所以
 定亂今化之不被亂是用興豈可更徇羣情苟
 膺虛美重余不德祇益懷慙自今以後中外所
 上書奏不得更稱聖神文武之號夫人情不常
 繫於時化天道既隱亂獄滋豐朕既不能弘德
 導人又不能一法齊眾苟設密網以羅非辜為
 之父母實增愧悼今上元統曆獻歲發生宜革
 紀年之號式敷在宥之澤與人更始以答天休

可大赦天下。改建中五年爲興元元年。自正月
一日昧爽以前大辟罪已下罪無輕重咸赦除
之。李希烈、田悅、王武俊、李納等有以忠勞任膺
將相有以勲舊繼守藩維朕撫馭垂方信誠靡
著致令疑懼不自保安兵興累年海內騷擾皆
由上失其道下罹其災朕實不君人則何罪屈
已弘物予何愛焉庶懷引慝之誠以洽好生之
德。其李希烈、田悅、王武俊、李納及所管將士官
吏等一切並與洗滌。各復爵位待之如初。仍卽

遣使分道宣諭。朱滔雖與賊泚連坐。路遠未必同謀。朕方推以至誠。務欲弘貸。如能效順。亦與惟新。其河南北諸軍兵馬。並宜各於本道自固封疆。勿相侵軼。朱泚大爲不道。棄義蔑恩。反易天常。盜竊名器。暴犯陵寢。所不忍言。獲罪祖宗。朕不敢赦。其應被朱泚脅從將士。官吏百姓及諸色人等。有遭其扇誘。有迫以兇威。苟能自新。理可矜宥。但官軍未到京城以前。能去逆效順。及散歸本道者。並從赦例。原免一切不問。天下

左降官。卽與量移近處。已量移者。更與量移。流

人配隸。及藩鎮效

罰一作

力。并緣罪犯。與諸使驅

使官。兼別勅諸州縣安置。及得罪人家口。未得

歸者。一切放還。應先有痕累禁錮。及反逆緣坐

承前恩赦。所不該者。並宜洗雪。亡官失爵。放歸

勿齒者。量加收叙。人之行業。或未必兼構大厦

者。方集於羣材。建竒功者。不限於常檢。苟在適

用。則無棄人。況黜免之人。沉鬱既久。朝過夕改

仁。何遠哉。流移降黜。亾官失爵。配隸人等。有材

能著聞者。特加錄用。勿拘常例。諸軍使諸道赴
奉天。及進收京城將士等。或百戰摧敵。或萬里
勤王。扞固全城。驅除大憝。濟危難者。其節著復
社稷者。其業崇我圖。爾功。特加彝典。錫名疇賦。
永永無窮。宜並賜名。奉天定難功臣。身有過犯。
遞減罪三等。子孫有過犯。遞減罪二等。當戶應
有差科使役。一切蠲免。其功臣已後。雖衰老疾
患。不任軍旅。當分糧賜。並宜全給。身死之後。十
年內。仍回給家口。其有食實封者。子孫相繼。代

代無絕。其餘敘錄及功賞條件待收京日並准
去年十月十七日十一月十四日勅處分諸道
諸軍將士等久勤扞禦累著功勳方鎮克寧惟
爾之力其應在行營者並超三資與官仍賜勳
五轉不離鎮者依資與官賜勳三轉其累加勳
爵仍許回授周親内外文武官三品以上賜爵
一級四品以上各加一階仍並賜勳兩轉見危
致命先哲攸貴掩骼埋胔禮典所先雖效用而
或殊在惻隱而何間諸道將士有死王事者各

委所在州縣給遞送歸。本管官爲塋祭。其有因
戰陣殺戮及擒獲伏辜暴骨原野者亦委所在
遂近便收塋應緣流貶及犯罪未塋者並許其
家各據本官品以禮收塋自頃軍旅所給賦役
繁興吏因爲姦人不堪命咨嗟怨嘆道路無聊
汔可小康與之休息其墊陌及稅間架竹木茶
漆摧鐵等諸色名目悉宜停罷京畿之內屬此
寇戎攻劫焚燒靡有寧室王師仰給人以重勞
特宜減放今年夏稅之半朕以兇醜犯闕遽用

于征爰度近郊。息駕茲邑。軍儲克辦。師旅攸寧。
式當褒旌。以志吾過。其奉天宜。升爲赤縣。百姓
並給復五年。尚德者教化之所先。求賢者邦家
之大本。永言茲道。夢想勞懷。而澆薄之風。趨競
不息。幽棲之士。寂寞無聞。蓋誠所未孚。故求之
未至。天下有隱居行義。才德高遠。晦跡丘園。不
求聞達者。委所在長吏。具姓名聞奏。當備禮邀
致。諸色人中。有賢良方正。能直言極諫。及博通
墳典。達於教化。并洞識韜鈴。堪任將帥者。委常

叅官。及所在長吏聞薦。天下孤老鰥寡。惇獨不能自活者。並委州縣長吏。量事優恤。其有年九十已上者。刺史縣令。就門存問。義夫節婦。孝子順孫。旌表門閭。終身勿事。大兵之後。內外耗竭。貶食省用。宜自朕躬。當節乘輿之服。御絕宮室之華。飾率已師。儉爲天下先。諸道貢獻。自非供宗廟軍國之用。一切並停。應內外官。有冗員。及百司有不急之費。委中書門下。卽商量條件。停減聞奏。布澤行賞。抑惟舊章。今以餘孽未平。祭

近來恩赦
有停兩月
不開讀者
日行五百
里洞燭奸
私

藏空竭有乖慶賜深愧於懷赦書有所未該者
委所司類例條件聞奏敢以赦前事相言告以
其罪罪之。亾命山澤挾藏軍器百日不首復罪
如初赦書日行五百里布告遐邇咸使聞知

... 命命...

... 命命...

... 命命...

... 命命...

... 命命...

... 命命...

... 命命...

... 命命...

... 命命...

古人有以不輕赦爲務者而公獨以大赦爲務皆時務也非俊傑何以知時務

平朱泚後駕還京大赦制

門下致理之體先德後刑禮義興行故人知耻格教令明當則俗致和平然後姦慝不萌暴亂不作古先哲后莫不由斯國家受命百七十載八聖儲慶敷祐下人邁種寬大之德累蠲苛酷之令蓋仁之所積者厚故澤之所流者深茲予小子獲主重器懵於理亂之本溺於因習之安授任不明賞罰乖當立法以齊衆而犯命愈甚興戎以除害而長亂益繁賊臣蓄姦乘釁竊發

九廟乏祀。兆人靡依。獬豸肆其吞噬。豺狼穴於
宮闕。歲未云半。載罹播遷。仰慚穹昊。俯愧臣庶。
敢愛賈越。苟全眇躬。誠懼益縱。寇讐重辱宗社。
忍耻誓志。庶補前羞。賴億兆宅心。不忘先德。諸
帥戮力。恭行天罰。俾余寡昧。再膺多祐。總乾綱
於旣紊。紊復天柱。於將傾言。旋鎬京不改舊物。宗
祧有序。朝享有期。責重慶多。深增感揚。嗚呼君
者。所以撫人也。君苟失位。人將安仰。朕旣不德。
致寇興禍。使生靈無告。受制兇威。苟全性命。急

何能擇或虧廢名節或貪冒貨利陷於法網事
匪一端究其所由自我而致不能撫人以道乃
欲繩之以刑豈所謂恤人罪已之誠含垢布和
之義滌清汚俗咸與更新可大赦天下自興元
元年七月二十三日昧爽已前大辟罪已下已
發覺未發覺已結正未結正見繫囚徒常赦所
不原者咸赦除之今年五月二十八日已前左
降官卽與量移未復資者更與移近處流人及
犯配隸藩鎮効力並卽放還亡官失爵放歸不

齒者量加收斂。未復資者更與進改。其黜免人等。有素著行能。傍連譴累。特加錄用。勿以爲負。不有忠者。誰復社稷。不有勞者。誰從巡狩。連帥之重。所以殿邦禦侮也。二千石之任。所以分憂共理也。方鎮將校。勤奉戎役。中外寮吏。恪居官次。國有大慶。所宜同之。內外文武。及致仕官。三品已上。賜爵一級。四品已上。加一階。仍並賜勳。兩轉。司徒兼中書令。晟英特傑立。光輔中興。再定皇都。一匡天下。推恩之典。貽慶無窮。宜與一

子五品正員京官侍中。城沉遠，忠厚服勞王家，保全危城，翦除大憝，嘉乃茂績。次于寵章，宜與一子六品正員京官。鎮國軍潼關節度使、檢校右僕射駱元光，京畿渭南商州節度使、檢校右僕射尚可孤，邠寧等州節度使、檢校右僕射韓遊瓌，奉天行營諸軍節度使、檢校右僕射戴休顏，咸秉大節，著于艱難，同勲叶忠，翼我興運，宜各與一子七品正員官。諸道節度使及行在都知兵馬使，興元扈從左右金吾大將軍，金吾六

軍大將軍等。各與一子八品正員官。諸道團練
觀察處置等使。各與一子九品正員官。應諸軍
赴上都收復將士等。俱以純誠奮其勇節。連年
帶甲百戰。摧鋒有忘身以效命。有滅親以徇義。
誓平國難。如復私讐。競揚貔虎之雄。克清梟獍
之孽。策勲行賞。傳嗣榮親。播乃功名。與國終始。
自去年冬已來。未經甄敘者。卽與超八資改轉。
已經甄敘者。更與超三資進改。三品已上。祖父
母在。先無官封者。量與致仕官及邑號。亾者並

與追贈四品已下。父母在先無官封者亦授致仕官及邑號。亡者與追贈。其賞錢委所司。卽依元勅支給。應扈從將士三品已上。賜爵兩級。四品已下。各加兩階。仍並賜勲。其祖父母官封追贈。並准收京城將士例處分。應扈從官。普恩之外。三品已上。賜爵兩級。賜品已下。各加兩階。仍普賜勲三轉。其祖父母父母封贈。並准收京城例處分。應扈從官。普恩之外。三品已上。更加爵一級。四品已下。更加一階。若常叅官。祖父母父

母在。先無官封者。量授致仕官及邑號。亡者與
追贈。諸州刺史。普恩外。賜爵一級。諸道進奏陪
位者。更加一階。其奉天定難。及元從功臣。宜令
本軍本使。卽定名聞奏。所司各准元勅。優賞其
諸道軍鎮。及行營將士。三品已上。賜爵一級。四
品已上。加一階。仍准今年正月一日制。速與甄
敘。成德。淄。青。魏。博。等節度。并諸軍。應歸順將士
等。各蘊誠義。積著功勞。由朕失於撫綏。頃歲暫
懷疑阻。尋能勵節。不替舊勲。是資宴犒。俾洽王

澤宜委所司卽約額支計各賜錢物賞設仍委本節度准前後勅速條疏甄敘其朔方并諸軍應在河中管內及同州將士等自遠赴難解其重圍念茲功勞並未酬報雖遭脅制情有可矜應到行營未經甄敘者並准元勅超五資改轉其賞錢比收京城將士例各給一半委本軍兵馬使條錄名銜聞奏所司支計給付其食實封者亦便配額令其請受應天下諸道軍將士等如有年老及疾患尫弱不任旅旅願歸鄉里者

並給終身優復。州縣切加安存。勿令侵擾。如無
家可歸者。給田宅。使得存濟。見危致命。先典所
尚。況忠衛社稷。殺身成功。朕於斯人。義有加等。
贈太尉秀實。天授貞烈。沮茲姦邪。蒼皇之中。獨
蘊雄斷。將紓國難。詭收寇兵。兇謀旣虧。吾事果
濟。忠誠奮發。手擊渠魁。英風凜然。振邁千古。宜
卽差官致祭。并旌表門閭。府縣護其喪事。緣塋
所要。一切官供。仍於墓所。官爲立碑。以揚徽烈。
其所賜實。封五百戶。嫡子正員三品官。諸子授

正員五品官。委中書門下。卽准元勅處分。應諸道諸軍將士。有身死王事者。委本道本使具名。銜聞奏。卽與褒贈。仍以在身官爵。授其子孫。內外文武官。及諸親諸色人等。有橫遭逆賊殺害者。各聽其家。及親識人。於所司陳牒。勘實聞奏。亦與追贈。如跡著忠烈。衆所明知。仍訪其子孫。量加優恤。尚齒養老。王風之首。三代制理。未或遺年。朕將遵古典。以興化本。人心而教孝。用優秩。賜式慰里閭。京兆府耆壽。年八十已上。並與

版授刺史。仍賜紫。八十已下。及諸州府耆壽。年八十已上。並與版授。本縣令。仍賜緋。天下侍老耆壽。亦各與版授官。如年九十已上者。州縣長吏。歲時躬親省問。貧弱不能自存者。量賜粟帛。項屬多難。人流俗弊。加之以師旅。因之以饑饉。賦役繁起。農桑失時。哀哉瘠人。汔可小息。然以國計猶歉。軍實靡克。未盡復除。良增愧悼。應天下建中四年。年終已前。所有諸色逋欠。在百姓復內者。一切放免。百司及諸軍諸使。舉放利錢。

今年六月已前百姓欠負未納者亦並停徵京兆府百姓普恩外給復一年其供頓官吏委京兆尹類例具名銜聞奏量與優獎古者計戶以署吏因時而建職既不乏事亦無冗員今田畝汗萊版圖凋耗齊人編戶託庇官曹貪吏猾胥誘爲囊橐啓奸墮業爲害尤深應在京百司色役人及流外等委御史大夫卽與諸司使長官審詳商議據見所掌事之閑劇定額聞奏仍校名送中書門下務從減省副朕憂人以後應須

署置並定名先奏。仍永爲常式。今年正月一日，
赦書節目，有所未行者，所司並舉而行之。赦書
或有不該節，此類條件聞奏，敢以赦前事相言
告者，以其罪罪之。亡命山澤，挾藏軍器，百日不
首，復罪如初。赦書日行五百里，布告遐邇，咸使
聞知。

陸宣公集卷之一

終

陸宣公制誥卷之二

貞元改元大赦制

門下王者體元立極。欽若乎天地。纂業承統。嚴奉于祖宗。用能百神允諧。兆庶承賴。立國之本。斯其大經。朕燭理不明。違道招損。往遭多難。淪陷國都。天地宗祧。曠而莫主。則是欽若嚴奉之義缺矣。甚用懼焉。洎復京師。遽將告謝。有司以人力耗斲。禮物廢墮。日居月諸。歲聿云暮。卜其吉日。俯在上春。齊心永懷。坐以待曙。而百辟卿

士。抗疏上言。咸謂人心未寧。不足以盡敬。寇孽
猶在。不足以告功。迫于羣情。俯仰誠願。郊廟孔
邇。瞻言莫從。悼心慙顏。胡寧自處。重以和平未
洽。災沴薦臻。去歲旱蝗。兩河爲甚。人流不息。師
出靡寧。加之以徵求。因之以荒饉。困窮殍餒。轉
死丘墟。關輔之間。冬無積雪。土膏未發。宿麥不
滋。詳思咎徵。有爲而致。兵戎之後。餘祲尚存。獄
犴之中。深寃未釋。又河中淮右。逆將阻兵。扞脅
齊人。陷之死地。雖欲自雪。厥路無由。抱義銜寃。

足傷和氣。此皆由朕。爽德播災于人。爲之父母。實用愧耻。今玄陰已謝。春日載陽。勾萌畢伸。幽螫咸震。思與海內同心自新。發號更元。用符天意。宜改興元二年。爲貞元元年。自正月一日。昧爽已前。大辟罪已下。已發覺未發覺。已結正未結正。繫囚見徒。罪無輕重。咸赦除之。先准勅令。量移收叙。人所司據。節文速與處分。應河中脅從將士。多是奉天赴難功臣。本居朔陲。夙尚忠節。豈以一夫註誤。棄其累代勲庸。朕于此軍尤

所不恐。特宜洗滌。以待初誠。自非與官軍決戰。死于鋒刃。其餘雖臨陣擒獲。亦從釋放。棄逆歸順者。在身先有官爵實封。一切如舊。仍准前後勅。所在便給賞錢。并與甄叙。如有因危效節。建立殊庸。量其事績。特加獎擢。李懷光若能翻然悔過。束身赴朝。念其嘗有大勲。必當終始全護。仍准前勅。受之官封。朕于功臣。庶亦無負。淮西將吏百姓等。皆被刼制。久爲匪人。詢事原情。諒非獲已。今王師四合。計日誅夷。玉石俱焚。用增

惻○憫○宜○令○諸○道○進○軍○之○日○唯○在○首○惡○一○人○其○餘○
徒○黨○悉○從○原○宥○如○有○歸○順○及○立○功○者○並○淮○河○中○
將○士○例○褒○獎○夫○爲○國○之○要○在○于○審○官○共○理○分○憂○
守○宰○彌○切○闔○境○性○命○繫○乎○其○人○將○使○里○閭○無○愁○
苦○之○聲○風○俗○興○廉○讓○之○教○得○不○慎○簡○髦○彥○寄○之○
化○源○自○今○已○後○諸○州○刺○史○有○關○中○書○門○下○于○朝○
官○中○精○擇○有○理○人○才○術○者○授○之○如○刺○史○縣○令○在○
任○頻○年○課○績○尤○異○者○擢○授○侍○郎○給○舍○郎○中○御○史○
中○外○迭○處○用○觀○其○能○賞○罰○必○行○期○于○競○勸○自○頃○

選曹署吏。唯以書判求人。務騁浮華。莫稽實行。且能言者不必適用。蘊用者或未能言。凡爲擇人。其在精覈。宜令清資常參官。每年以吏部選人中。各舉所知一人。堪任縣令。錄事參軍者。所司依資叙注。擬便于甲曆之內。具標舉主名銜。仍牒報御史臺。如到任後。政尤異者。有贓犯事跡著明者。所司錄舉官姓名聞奏。以爲褒貶。其內外員。及京城諸使名目。委御史審勘會商量。并省停減。仍集百寮定議。務從簡約。息費使人。

其京官職田。及息利官錢等。黠吏詆欺。移易疆
畔。或貧人轉徙。捕繫親鄰。日月滋深。耗弊彌甚。
亦令百寮議其折衷。擇善而行。往以賦役殷繁。
人不堪命。定爲兩稅。事額易從。比屬軍興。或踰
始制。法無所守。吏益爲姦。哀我勞人。汔可小息。
自諸道州府。除兩稅外。應有權宜。科率差使。一
切悉停。京畿及近縣。所欠百姓和糴價直。委度
支卽勘會支給。諸道非臨寇賊州縣。自冬已來。
點召官健子弟。並宜放散。任營生業。應經陷賊

凡公文中
所叙載極
平常語。皆
具泛應曲
當之機。

州縣。百姓屋宇被焚毀。并貧病老弱。及遭傷損
之類。所在量加優恤。使得安存。天下名山大川。
并自古聖帝明王。賢臣烈士。祠廟墳墓。各委當
處長吏。擇日致祭。必資精潔。以達志誠。斑制有
差。所以序賢也。廩秩有等。所以明勸也。今或高
卑失序。中外相踰。至于卿士之家。尚懼凍餒之
患。忠信重祿。豈其然耶。內外官祿。及俸錢手力
雜給等。委中書門下度支。卽參詳定額。聞奏。應
赴奉天。及收城將士等。並功存社稷。節著艱危。

中心藏之。豈忘酬報。頃緣府藏空竭。賞給未周。乃眷勲臣。實用增愧。應准元勅。合請賞錢人。委所司節減在官。及百司費用。據所有財物。速與給付。應在京城。及諸道立功將士等。先有詔旨。並許甄叙。所司勘會。淹歷時月。委中書門下。卽准元勅處分。諸軍行營并河中朝邑。被脅從將士。家口在京。及諸州府者。宜令本道節度觀察使。安存賑恤。各令優給。應諸軍使立仗。見在城將士等。共賜七萬匹。制書有未該備。所司速皆

類條件聞奏。敢以赦前事相言告者。以其罪罪之。亡命山澤。挾藏軍器。百日不首。復罪如初。赦書日行五百里。遐邇咸知。

人主亦是
有體何為
如此卑屈
但德宗既
敗度以失
人心則罪
已以收人
心乃是時
務時既當
屈屈即為
申此公之
痛切引罪
為識時務
也時務有
一代一變
者有一世

冬至大禮大赦制

門下君天下者。受命于天地。繼業于祖宗。致其
誠心。惟敬與孝。違敬莫大乎廢祀。虧孝莫大乎
黷神。朕以眇身屬承大統。縱欲敗度。浸生厲階。
兵連禍深。變起都邑。六師播蕩。九服震驚。郊廟
園陵。陷于凶逆。神人乏主。將迨周星。列聖大業。
幾墜于地。違虧敬孝。罪由朕躬。撫臨萬邦。甚用
自愧。側身思咎。庶補將來。股肱元臣。比義叶德。
爪牙衆士。戮力同心。誅大憝而都邑廓清。翦逋

一變者有
呼吸一變
者惟俊傑
能識之俊
傑不世遇
遇而不見
用所謂嘆
息痛恨于
桓靈者真
後傑人語

寇而關河底定茲再與王公卿尹洎億兆之人
備其盛容修其禮物薦誠清廟展敬園丘陳謝
罪愆告雪憤耻感慕慙揚若無所容上帝顧懷
再新景命豈伊匪德獨荷鴻休思與普天誕膺
多福可大赦天下自貞元元年十一月十一日
昧爽已前大辟已下已發覺未發覺已結正未
結正繫囚見徒罪無輕重常赦不原者咸赦除
之左降官量移近處流人及藩鎮效力並即放
還應有痕殿禁錮前後恩赦節文未該及者亦

宜洗雪。勿以爲累。李希烈僭逆不道。誠所難容。朕憫念蒼生。務息征討。頻有詔命。許其自新。若能歸降。依前勅待。以不死。淮西管內將士官吏百姓等。一切原宥。與之如初。先有官封。亦皆復舊。如能特建功效者。當別抽擢。若家口親屬。在諸道者。長吏綏撫。各使安存。其歸順百姓。仍委節度觀察使刺史。給空閒地。任便安居。優復終身。務令全濟。待事平已後。聽歸本貫。天下百姓。去年十一月已前。欠負官稅官租。及諸色人逋

憲一物已上。但不在官典復內者。一切免放。內
外文武官。見任及致仕官。三品已上。賜爵三級。
四品已下。加一階。天下諸使。諸將軍士。三品已
上。賜爵一級。四品已下。加一階。白身人。賜勳三
轉。自頃兇渠倡亂。逆臣附姦。保據國都。憑陵旬
服。朕出次郊邑。再遷巴梁。險阻艱難。靡不經歷。
暴亂之後。仍彰烈士之功。憂危之中。方見直臣。
之節。錄勳進善。其可弭忘。應奉天興元元年。扈
從立功。并收京城將士。食實封者。各隨文武與

一子官。餘並加兩階。仍賜勳三轉。其文武百官。應扈從到興元府者。五品已上。賜爵一級。六品已下。加一階。合入三品五品者。不拘考限聽敘。其五品已下。父母未經追贈者。與追贈。應平河中將士。卽准元勅。速與甄獎。自建中四年已來。有身死王事。義烈著明。未經褒贈者。本道卽具名銜事跡。聞奏。諸道有解退官健。州府長吏。切務安存。仍量以空間田地。給付。免其差役。任自營生。社稷之勲。以輔興王業。統帥之任。以總制。

戎○麾○參○袞○職○者○其○德○崇○授○旄○節○者○其○功○大○方○鎮○
乃○國○之○垣○翰○禁○衛○實○予○之○爪○牙○尹○京○實○賴○于○肅○
清○主○計○尤○資○于○辦○集○所○頒○慶○澤○宜○越○常○倫○司○徒○
兼○中○書○令○晟○宜○與○一○子○五○品○正○員○官○并○四○品○階○
諸○道○副○元○帥○與○一○子○六○品○正○員○官○中○書○門○下○平○
章○事○克○節○度○使○各○與○一○子○七○品○正○員○官○節○度○使○
及○神○策○兵○馬○使○六○軍○統○軍○金○吾○六○軍○大○將○軍○判○
度○支○侍○郎○各○與○一○子○八○品○正○員○官○都○團○練○都○防○
禦○等○使○京○兆○河○南○尹○金○吾○六○軍○將○軍○殿○前○射○生○

兵馬使各與一子九品正員官多難已來三十餘載克平禍亂屬在戎臣或節著艱危或勲高戰伐受任雖專于總帥成功亦賴于羣材懋賞推恩宜加胤嗣諸道大將功業崇高者各與一子官本使卽詳定錄名聞奏副元帥都統兼節度下每道各二十人都團練都防禦使下各十人如大將子孫之中有藝業優長性行純確者本使具狀聞薦仍量事資給令赴上都朕當隨材授官以克侍衛庶使忠臣之後與國無窮故

尚。父。子。儀。先。朝。元。勲。再。復。京。邑。贈。太。尉。秀。實。以。死。爲。國。節。寇。古。今。宜。令。與。子。孫。一。人。五。品。正。員。官。自。至。德。已。後。節。度。使。大。將。有。忠。烈。績。效。著。明。其。後。淪。翳。者。所。司。卽。條。錄。聞。奏。與。子。孫。一。人。正。員。官。諸。色。人。應。在。賊。中。潛。奉。神。主。頃。已。甄。賞。宜。便。賜。優。崇。三。品。已。上。賜。爵。一。級。四。品。已。下。加。一。階。江。淮。轉。運。使。檢。校。左。僕。射。同。中。書。門。下。平。章。事。韓。滉。勵。精。勤。職。夙。夜。在。公。漕。輓。資。儲。千。里。相。繼。事。無。憊。素。人。不。告。勞。拯。于。凶。災。厥。有。成。績。可。

進封晉國公關畿之內連歲興戎薦屬天災稼穡不稔穀糴翔貴烝黎困窮倉廩空虛莫之賑贍每一興念憫然痛心宜令度支取江西湖南見運到襄州米十五萬石設法般赴上都以救百姓荒饑如山路險阻車乘難通仍召貧人令其般運以米克脚價務于全活流庸庶事優饒副朕勤恤立國之道始于親親所以厚骨肉之恩明教化之本况薦經艱故宗族漂淪敦睦之情有加常典大長公主長公主公主各與一子

七品官。嗣王。郡王。郡主。縣主。各與一子官出身。

應陪位皇親五等已上。諸親三等已上者。三品

已上賜爵一級。四品五品加一階。六品已下。及

常選官散官等。簡選日優與處分。未出身人。量

授文武散官。如宗子中有德行才能。宗正卿具

名聞奏。當別獎任。致理之本。在乎審官。審官之

由。資乎選士。將務選士之道。必精養士之方。魏

晉已還。澆風未革。國庠鄉校。唯尚浮華。選部禮

闡不稽實行。學非為已。官必徇人法。且非情弊。

向來積弊。

公言之痛。

初。後人祖。

為成言。

將安救宜令百寮詳思所宜各修議狀中書門
下叅校得失擇善而行有虞建官三載考績在
漢爲吏或長子孫蓋吏久于官則人情不苟官
久于事則理化有成日者制度廢墮考課乖舛
淹速靡準升降無名欲令庶寮何以懲勸自今
已後刺史縣令未經三考不得改移自餘非所
職績效殊尤亦不得越次遷轉刺史停替須待
魚書內外五品已上及常參官在任年考已深
者卽量才效用與改中外迭處以觀其能夫明

公三斗熱
血灑遍宇
下一匡大
略垂訓百
世至人至
文。

目達聰。務廣聞見。或慮懷才抱器。輸忠納諫之
倫。地處幽遐。無由自達。永言于此。夢想不忘。應
諸色人。有長策濟時。忠規匡主。任具陳所見。詣
所居之州。委刺史畧與討論。觀其旨趣。但有裨
治道。不涉私情。便與附驛遞送。朕當親覽。自立
兩稅。經今百年。或初定之時。已有偏併。或戶口
減耗。舊額猶存。輕重不均。流亡轉甚。委度支卽
折衷條理。以卹困窮。古者雖有水旱。人無菜色。
皆由儲蓄。不匱勸導。有方前代。所置義倉。國初

亦○循○其○制○備○災○救○乏○甚○便○于○人○卽○宜○准○貞○觀○故
事○天○下○所○懇○見○田○上○自○王○公○下○及○百○姓○每○豐○稔
之○歲○秋○夏○兩○時○州○縣○長○官○以○理○勸○課○據○頃○畝○多
少○隨○所○種○粟○豆○稻○麥○隨○便○貯○納○以○爲○義○倉○如○年
穀○不○登○卽○量○取○賑○給○官○司○但○爲○其○立○法○勸○諭○不
得○收○管○仍○各○委○本○道○觀○察○使○隨○便○宜○處○置○聞○奏○
敦○本○厚○生○必○資○播○殖○當○今○所○切○莫○甚○于○斯○自○今
百○姓○有○懇○闢○田○疇○加○于○常○歲○者○所○加○之○地○不○得
輒○徵○租○稅○刺○史○令○長○考○課○亦○以○本○界○墾○田○多○少

爲殿最。今年蝗旱。損甚州府。開春之後。量給種子。使就農功。天下應荒閑田。有肥沃堪置屯田處。委當管節度使觀察都團練都防禦等使刺史。審細檢行。以諸色人及百姓情愿者。使官佃如部署精當。收穫數多。本道刺史特加褒升。屯田等節度優賞。如是逃戶田地。本主復業。卽却給還。輦轂之下。四方會同。供應旣多。難爲準定。急賦繁役。人何以堪。宜令京兆尹與度支計會。長安萬年兩縣。每季各先交貯備錢五千貫文。

于縣庫收納。定清幹官。專知應緣。卒須別索。及
雜供擬。并工匠等。縣令與專知官。先對給價錢。
季終之後。申度支勘會。所是和市和顧。並須先
給價錢。兩稅外一物已上。不得科配百姓。御史
臺。朝廷紀綱。尚書省。治化根本。百度得失。繫乎
其人。自頃制勅。頒行所司。多不遵守。王臣奉職。
豈所宜然。委御史臺。左右丞。切糾稽違。無壅朕
命。南郊太清宮太廟。應職掌行事官。郊廟攝將
軍中郎。郎將。及留守副留守。內定行從官。三品

史記曰以天下城邑

封天下功臣而項氏

之天下歸

劉氏矣識

此意者惟

公一人惜

德宗非漢

高耳

已上各賜爵一級。四品已下加一階。並賜勳兩轉。其諸色支供作官司。直長上流外。灼然要職。掌者。並賜勳兩轉。行事室長。掌坐齋郎。禮生贊者。減二年勞。無勞可減者。簡選日。優與處分。崇賢館學生見在者。減帖策各一道。國子監陪位學生。賜勳一轉。介公。鄴公。各與一子官。如無子孫。賜物一百匹。神策六軍。殿前左右射生。英武威遠。皇城左右金吾。街使將士。應緣大禮宿衛。御樓立仗。及守本庫本營者。共賜物若干端足。

收得嚴緊

二語再見
不爲複

天○災○作○沴○深○微○予○衷○跼○踏○憂○慙○罔○知○攸○措○今○穀○
價○騰○踊○人○情○震○驚○鄉○閭○不○居○骨○肉○相○棄○流○離○殞○
斃○所○不○忍○聞○公○私○之○間○廩○食○俱○闕○既○無○賑○恤○又○
復○徵○求○財○殫○力○竭○繼○以○鞭○箠○弛○征○則○軍○糧○乏○贍○
厚○取○則○人○何○以○堪○念○茲○困○窮○痛○切○心○骨○思○所○以○
濟○浩○無○津○涯○補○過○實○在○于○增○修○救○患○莫○如○于○息○
費○致○咎○之○本○既○由○朕○躬○謝○譴○之○誠○宜○自○朕○始○宜○
令○尚○食○所○進○御○膳○每○日○各○減○下○一○半○應○宮○人○等○
每○月○惟○供○給○糧○米○一○千○五○百○石○飛○龍○廐○馬○從○今○

已後。至三十日已前。並減一半料。京兆府應差
科百姓。及和市和買等諸色目。事無大小。一切
並停。公私債負。容待蠶麥熟後徵理。

陸宣公集卷之二

終

陸宣公制誥卷之三

○貞元九年冬至大禮大赦制

德宗誕降
體質黑小

肅宗深以
為嫌玄宗

二見喜動
天顏顧肅

肅宗在
如他日又顧

代宗在
亦不如他

歷年
滋久倍于

為民深切
艾祖觀其

門下朕以寡德屬當大統皇天眷祐俾主兆人
懼不克承夙夜祗畏緬懷前烈致于昇平予心
浩然罔知攸濟小大之務曷嘗不勤芻蕘之言
亦莫不敬慮每存于致理志常在于恤人中宵
屢興終食累歎一事乖張怒焉疚懷一夫罹殃
側若傷體思與海內同臻大和息其生業降心
從眾實匪有辭克已利人誠無所恡然以視聽

固當永作
人主。

有極思慮難周。况乎長自深宮。安于近習。損益之理。寧免過差。幽遠之情。固多未達。由是兢兢。砥礪。悔往修來。燭理所患于不明。推心庶幾于無負。日慎一日。于今十有五年矣。上靈降監。多士叶誠。五稼屢豐。四鄙不擾。方鎮輯睦。干戈底寧。邊壘繕完。殊方款附。協天地會昌之運。實宗社無疆之休。慶既荷于玄功。禮有昭于大報。矧惟霜露之感。永切孝思。禋燎之儀。每勤精意。將申誠敬。其在躬親。是與公卿大夫。虔奉犧牲。圭

璧陳其文物。薦其馨香。類秩于泰壇。朝享于清廟。率職來助。萬邦攸同。備物致嚴。百禮具舉。誠慕獲展。神人允諧。明發永懷。慶感斯集。純嘏所錫。豈惟朕躬。思俾普天。均承惠澤。可大赦天下。貞元九年十一月十日昧爽已前繫囚見徒。大辟已下。罪無輕重。咸赦除之。其見于官辯對者。亦並放免。官人犯入已贓。不可令其却上。已後勿以爲累。左降官及流人。並量移近處。其官已經量移。未復資者。還其階爵。竄調遐裔。冀速沾

恩。比者准制量移所司。皆例申牒。屢加盤覆。累涉歲年。既甚淹遲。且不均一。宜令吏部刑部。審勘檢本流貶。及量移勅旨。比類元犯事狀輕重。兩月內與處分。外文武見任。及致仕家。并諸軍諸使將士等。三品已上。賜爵一級。四品已下。加一階。將百姓自置義倉。仍准貞元元年十一月十一日制處分。立人之道。惟孝與忠。孝莫大于榮親。忠莫先于竭節。惟爾師長。卿校。洎乎方岳。列藩保祐皇家。交修庶績。竭節之效。既昭乃誠。

榮親之恩。宜洽國典。內外文武清望職事官。并
節度觀察都防禦都團練經畧等使。父在未有
官。量授檢校五品官。母在未有邑號者。各封邑
號。父母亾沒者。量與追贈。已經追贈者。更與改
贈。佐運之臣。納忠之輔。功旣存于社稷。慶宜及
于子孫。故周錫田土。漢傳帶礪疇。其爵邑與國
終始。以明報德之恩。勸爲臣之節。其或年代未
遠。利澤猶存。祠宇已變于荒墟。胤嗣不編于仕
籍。思其人猶愛其樹。况奠享乏主。而不加省錄。

者乎興滅國繼絕代所以禮先賢也修宗廟敬
祀事所以教追孝也化俗歸厚此其大端應九
廟配享功臣及武德以來將相名節特高有封
爵廢絕祠廟無主者宜許子孫一人紹封以時
享祀自今以後應有家廟子孫但傳襲封爵者
並許享祔于廟其有毀賣私廟及買之者各以
犯教義贓論自古聖帝明王忠臣烈士各令所
在長吏以禮致祭書叙明目達聽垂拱而理詩
稱濟濟多士文王以寧舍已從人故能通天下

之志棄瑕錄用。故能盡天下之才。昔在太宗。勤求理道。納諫如響。任賢勿疑。致俗于太平。垂範于永代。朕獲承鴻緒。追慕聖猷。書之座右。常自儆勵。朝夕翹想。庶聞嘉謀。夢寐勞懷。思得賢士。凡厥在位。所宜共成。諸司官有陳便宜者。各盡所見。條疏封進。事有寃滯。政有關遺。悉當極言。無或隱避。詔勅不便于時者。所司執奏。以聞。天下有蘊德懷才。隱居不仕。委所在觀察使表薦。當以禮邀致。諸色人中。賢良方正。能直言極諫。

或博通墳典。達于教化。或詳練故事。長于著述。或精習律令。曉暢法理。或該明吏術。可委理人。或洞識韜畧。堪任將帥者。委所在州府長吏。及臺省常叅官。詳錄行能舉奏。並限來年七月內到京。朕當親試。應緣大禮掌職行事。仗內引駕攝將軍中郎。郎將。留守。副留守。并諸道表狀陪位。法駕三引官等。三品已上。更賜爵一級。四品已下。加一階。其郊壇官廟行事官。仍各賜勳兩轉。皇親諸親應陪位者。三品已上。賜爵一級。四

品五品加一階。六品已下。及常選官。至選日。優與處分。白身人。及諸色應陪位官等。各賜勳兩轉。親王。大長公主。郡主。縣主。賜物各有差。鄼公介公。各賜物若干段。行事室長。掌坐齋郎。禮生贊者。各減一年勞。無勞可減者。至簡選日。優與處分。崇賢館學生。減策一道。國子監學生陪位者。及應緣祇應諸司作官直長。長上流外要職。掌內侍省白身諸州行綱考典。兩京耆壽。諸色番役。當上在城。并量留十月番人等。各賜勳一

轉鴻臚番客共賜物若干神策六軍英武威遠
皇城金吾街使諸軍諸使將士應緣大禮宿衛
御樓立仗及守本庫本營者共賜物若干端匹
天下耆老百歲已上者各賜錦帛五段米五石
八十已上及鰥寡惻獨不能自存者委刺史縣
令各加優恤應緣大禮加階及賜勲爵等申報
叙奏期限並准貞元六年十二月二日勅處分
餘依常式所司不須更作條件赦書日行五百
里布告遐邇咸使聞知

敬輿每說
到災亂之
由。便不勝
哀痛。實見
得君昏臣
奸。生民塗
炭。是以痛
哭流涕。俱
亦筆端。

蝗蟲避正殿降免囚徒德音
夫人事失于下。則天變形于上。咎徵之作。必有
由然。自去歲已來。災沴仍集。雨澤不降。延歷三
時。蟲蝗既臻。彌亘千里。穀糴翔貴。稼穡卒瘵。嗷
嗷烝人。聚泣田畝。興言及此。實所痛傷。徧祈百
神。曾不獲應。方悟禱祀殊救患之術。言詞非謝
譴之誠。憂心如焚。深自刻責。得非刑法舛謬。忠
良鬱堙。暴賊未蠲。勞師靡息。事或無益。而重爲
煩費。任或非當。而橫肆侵蝨。有一于茲。足傷和

氣本其所以罪實在予。百姓何辜。重罹殍餒。所
宜出次貶食。節用緩刑。側身增修。以謹天戒。朕
避正殿不御。百寮奏事。并于延英處分。尚食進
膳。宜更節減。百司不急之務。一切且除。諸軍將
士外。自餘應食官糧人。及諸色用度等。並委本
使長官商量。權行停減。以救荒饉。仍限十日內
具元額。及所釐革條件。聞奏。待至豐稔。却令依
舊。畿內百姓。委京兆尹切加慰撫。除正稅正役
外。徵科差遣。並宜禁絕。非交相侵奪。尋常訴訟。

不宜追擾務且息人京畿內外及京兆府諸縣
見禁囚徒死罪降徒流已下一切放免畿內及
河中同州界應有因戰陣殺戮遺骸暴露者各
委所在長吏隨事埋瘞咨爾卿佐實惟股肱所
當一其誠心同恤災患勉修厥職副我憂勤

當一其婦必同歸矣

妻前在吳庚與車

因得與

禁因

不宜

。誅李懷光後原宥河中將吏并招諭淮西

詔

自昔哲王以道化下。不竭物以克欲。不勞人以
樹威。億兆之心。如戴父母。兵革不試。四方來同。
苟或昧于德綏。務以力勝。士旅疲耗。烝黎困窮。
幸以成功。豈云有補。李懷光久從戎旅。頗著勤
勞。拔于等倫。授以旄鉞。誓師河朔。奔難奉天。有
夷兇嫉。惡之誠有弭患。釋圍之績。俾介元帥。仍
升上台。秉心匪彝。自底不類。怙衆貪亂。附姦脅

君。朕自再遷。幾危宗廟。洎股肱宣力。賊泚就誅。
率土之人咸懷奮擊。朕獨排羣議。未忍加兵。命
復官封。志期全貸。而乃昏迷不返。悖慢逾彰。殘
害使臣。侵敗畿甸。密邇京邑。人愁無聊。諭之不
悛。乃用致討。上帝悔禍。元臣叶謀。克集茂勳。以
夷大難。渠魁授首。餘衆革心。制勝以謀。兵無血
刃。雖事非獲已。義在救人。而本其所由。情深罪
已。蓋以信誠未著。撫馭或乖。至使功臣陷于誅
戮。謂之克敵。寧不愧心。然以懷光一家法當殲

戮念其昔居將相嘗寄腹心罪雖掛于刑書功已藏于王府以于紀之跡固合滅身以赴難之勲所宜有後非常之澤俾洽幽明雖屈葬章庶旌往效大夫君子無我有尤宜以懷光一男爲嗣賜莊宅各一所聽住京城仍還懷光首級及屍任便收葬其妻及諸子孫在室女等並遞送澧州委李臯逐便安置使得存立其出嫁女及諸親戚並宜釋放應先陷河中將士等皆嬰迫脅無路申明多是朔方舊人素蘊忠義并幽州

涇原將士頃被朱泚脅從收京之時。奔竄在彼。究其本末。情有足矜。况能協力同謀。舉城歸順。錄其成效。咸與惟新。宜一切洗雪。勿爲瑕累。先有官爵實封者。並許仍舊。其中首謀効順。事績著明者。委副元帥條件聞奏。別加甄獎。河中及同州絳州百姓。並經陷賊。又久屯軍。骨肉流離。生業廢棄。興言軫念。良用惻然。宜各給復一年。京兆府奉先美原等縣。緣與同州接近。隨便供運。杼軸旣繁。流亾頗衆。委京兆尹卽量事優恤。

條件聞奏。仍加招輯。使各安存。河中保義軍保
寧軍節度使并管內諸軍行營兵馬副元帥河
中保寧等軍節度度支營田觀察處置等使銀
青光祿大夫檢校司徒同中書門下平章事兼
太原尹北都留守北平郡王燧。惟嶽降生鬱爲
時傑。奉上勵匪躬之節。訓師懷盡敵之謀。畧地
無遺。攻成必拔。發揚以威。強寇感激而服。叛徒
嘉謀屢聞。能事畢備。朔方河中同絳陝虢汴等
州及管內諸軍副元帥河中絳州節度觀察處

置等使開府儀同三司行侍中兼河中尹咸寧
郡王瑊鑒識精明。宇量弘博。秉義率衆。推誠待
人。堅制不奪之心。亟陳必勝之畧。輯睦士旅。安
慰流庸。盛德克彰。崇功允集。惟乃二帥。一其誠
心。奉行天誅。同獎王室。有崇讓之美。有禁暴之
能。元惡旣除。全城底定。是加寵命。以答崇勲。燧
可兼侍中。仍與一子五品正員官。并階。餘並如
故。瑊可檢校司空。仍與一子五品正員官。并階。
餘並如故。華州潼關鎮國軍節度使開府儀同

三司檢校右僕射并華州刺史上往國武康郡
王駱元光邠寧慶等州刺史御史大夫上柱國
許昌郡王韓遊瓌鄜坊丹延等州節度觀察使
檢校兵部尚書兼御史大夫上柱國東平郡王
唐朝臣等並節著艱危功成討伐鎮于衝要隱
若長城取彼兇殘進無堅陣比義同德廓清方
隅宜增食于真封且延榮于胤子可各賜實封
二百戶仍與一子六品正員官并五品階餘並
如故應諸道諸軍同討懷光將士等一自征役

淹歷歲時。被服干戈。畧無寧息。賴茲勤効。是有
成功。宜並賜三十萬端匹。以克宴賞。仰度支卽
般次送赴。並各放歸本道。仍令所司叙錄。卽超
資與改轉。其中大將及功效殊尤者。委所司速
具名銜聞奏。先與處分。其先在河中將士。亦宜
依例賜錢宴賞。如本是奉天定難功臣。准條合
給賞者。度支卽排比支付。嗚呼。自國家多難。二
紀于茲。朕嗣位七年。連兵五載。追惟往事。悔恨
于懷。今二孽旣誅。諸方甫定。哀彼淮右。獨爲匪

人其帥不恭其衆何罪朕晨夕惕慮念之甚詳
罷征討則阻命止于數州窮戰爭則流禍及于
天下利病之勢較然相懸俾人罹殃寧我忍耻
今勲賢列鎮疆理有經縱未偃戈足以保境况
天地之大無所不容豈令是邦猶隔朝化因茲
大慶使洽鴻恩諸道應與淮西接連宜且各守
封境非彼侵軼不須進討仍委所在長吏明加
招諭宣布朕懷李希烈若能歸降待以不死其
餘將士官吏百姓等一切並與洗滌與之更新

先有官封亦皆仍舊如能去逆効順因事建功
理當甄升以示褒勸其所以優賞科條並准前
勅處分朕思與海內去危圖安有過自新雖大
必宥朗然明信彰示兆人期爾庶邦自求多福
無有遠邇咸使聞知

。誅李希烈後原宥淮西將士并授陳仙奇

節度

反易天常悖違人紀衆之所棄罔或逃誅李希烈茂義背恩窮姦極暴謂神器可以力取謂生靈可以詐欺志在兇殘躬行僭竊罪無與比法實難容以君德不修致人于禍究其端本過實在予不忍烝黎重相攻戰屢施詔命務欲懷柔抑羣師奮發之誠駐諸軍討逐之勢不憚屈已期于息人希烈曾無悛心益逞驕志虐毒滋甚

吞噬無厭。惡貫既盈。自底夷滅。開府儀同三司。御史中丞。臨漳郡王陳仙竒。忠勇有餘。沉毅能斷。攄闔境受污之憤。導三軍思順之心。唱義一呼。羣情響附。廓清氛祲。殲戮渠魁。驛書上聞。函首入獻。方隅旣乂。役戍其休。懸賞之科。是宜必信。其以仙竒爲檢校工部尚書。兼蔡州刺史。御史大夫。充淮西節度。仍賜實封五百戶。應淮西管內將士官吏百姓等項。迫兇威。遂從脅制。旣誅元惡。俱是平人。除李希烈一家其餘。並准前

後赦勅原放更無所問其將士等或本屬平廬
或久鎮淮右素推忠義累著勲庸果能叶志同
謀輸誠奉順以茲節效良有可嘉委山竒卽以
諸色官錢優與宴勞其中首建謀議同斬希烈
人等宜並條錄聞奏節次褒賞比年以來有潛
圖效順節義著明計或未行爲賊屠害者亦當
審加訪察具事績以聞如有子孫仍並錄名聞
奏百姓等久經淪陷兼被傷夷遐想凋殘實足
哀憫除供當道軍用外宜於二年應被希烈差

點兵馬及團練子弟並卽放散其本額將士之
中、有不樂在軍願歸農業者委節度刺史量給
逃死戶田宅并借貸種糧優給復終身使之存
濟宜令尚書左丞鄭叔則克淮西宣慰使嗚呼
往欽哉自希烈叛命于今五年上澤不通下情
亦阻所宜宣我信令以釋危疑敷我惠和以慰
疲瘵滌清汚俗咸與惟新底難一友以稱朕意

重原宥淮西將士詔

乃者希烈亂常阻兵竊號汚脅士衆殘虐烝黎
朕志在好生誠深罪已爲人受耻不忍加兵惟
茲一軍代著忠節果殲元惡不替舊勲詢于衆
情就拜戎帥人亦勞止期于小康旋乖卹下之
方重致喪身之禍由朕薄德俾人不寧撫臨萬
邦且愧且悼猶賴將校士旅秉其誠心邦人不
驚軍部無撓以茲節效良有可嘉所宜慰安俾
洽寬澤應將士吏人承前所有諸過犯罪無輕

陸宣公集 三
重。一切釋放。曠然昭洗。咸與惟新。其有先請受
莊宅財物者。各以見管爲主。將士衣賜節料。并
家口糧賜等。一切並准舊例。以時給付。不得停
減。先令優與賞設。亦准元勅處分。務令豐厚。以
稱朕懷。仍加曉諭。各委知悉。

陸宣公制誥卷之四

○賑恤諸道將吏百姓等詔

公每提着小民疾痛，便不啻口出無窮經濟，俱從此生。

國之經制，儲蓄備災。雖遇凶年，人無菜色。時或弛征散利，務穡勸分。徒有以均，無因豐而補。敗救患之術，抑其次焉。自戍役繁興，兩河尤極。農桑日費，井邑為墟。丁壯服其干戈，疲羸委于溝壑。傷夷未復，荒饑薦臻。歷河朔而至于太原，自淮沂而被于洛汭。蟲螟為害，雨澤愆時。稼穡瘁痺。烝黎重困，然由徵賦不息，征役未寧。凍餒流

離。寄命無所。興言感悼。焚灼于懷。朕聞刑罰失
中。虐殄斯作。致咎之本。在予一人。百姓何辜。遭
罹其弊。兢兢惕畏。不敢遑安。庶蠲下土之災。用
答上天之戒。其宣武等軍。宋亳陳州等節度。淄
青等州節度。河陽懷州節度。東都畿汝等州節
度。潞美軍澤潞磁邢等州節度。保寧軍節度。成
德軍恒深趙等州節度。易定等州節度。每營各
賜米五萬石。所司卽般運。都于楚州。分付各委
本道差官。受領賑給。將士百姓等。務令均洽。以

爭字有血

惠困窮。屬軍費方殷。國儲尚歉。今所賜賑。給其數。非多。猶慮孤惇。或未周贍。穀價翔貴。何能自資。江淮之間。連歲豐稔。迫于供賦。頗亦傷農。收其有餘。濟彼不足。允孚發歛之術。且叶變通之規。宜令度支于淮南浙江東西等道。量置場。加價和糴米三五十萬石。差官般運于諸道。減價出糴。貴從權便。以利于人。無或勞煩。重予不德。方岳守將。實朕股肱。卹患分憂。與朕同體。宜卽遣使分道。宣慰勞勉將士。省問鄉閭。有可以救

聖人與民同憂。公亦與民同憂。故銳到德。宗罪已處。一無吝恤。功成名附。坐此而不。竟其用。亦坐此。

優卹畿內百姓并除十縣令詔

朕以薄德。託于人上。勵精思理。期致雍熙。鑒之。不明事。或乖當。百度多闕。四方靡寧。傷夷未瘳。而征役薦起。流亡既甚。而賦歛彌繁。人怨聞上。天災降下。連歲蝗旱。蕩無農收。惟茲近郊。遭害尤甚。豈非昊穹作沴。深儆予衷。跼踏憂慚。罔知攸措。今穀價騰踊。人情震驚。鄉閭不居。骨肉相棄。流離殞斃。所不忍聞。公私之間。廩食俱竭。既無賑恤。猶復徵求。財殫力疲。繼以鞭竈。池征則

軍○莫○之○贍○厚○歛○則○人○何○以○堪○念○茲○困○窮○痛○心○切
骨○思○所○以○濟○浩○無○津○涯○補○過○實○在○于○增○修○救○患
莫○如○于○息○費○致○咎○之○本○旣○由○朕○躬○謝○譴○之○誠○當
自○朕○始○宜○令○尚○食○每○日○所○進○膳○各○減○一○半○官○人
等○每○月○惟○供○給○糧○米○一○千○五○百○石○其○餘○悉○皆○停
省○年○食○支○酒○料○宜○減○五○百○石○飛○龍○廐○馬○從○今○已
後○至○四○月○三○十○日○已○前○並○減○半○料○京○兆○府○百○姓
應○差○科○徵○配○及○和○市○和○糴○等○諸○色○名○目○事○無○大
小○一○切○並○停○公○私○債○負○容○待○蠶○麥○熟○後○徵○收○百

司非至切之務。如追擾百姓。及追勘徵收等色。府縣並不須承受。其尋常訴訟。非交相侵奪者。亦不得爲理。百姓及諸色人等。如能力行仁義。均減有無。調貸貧人。全活數衆者。府司具事跡聞奏。朕當授以官秩。蠲其征徭。如縣令勸導有方。流庸克濟。至夏初以來。類例勘會。但戶口無減。田疇不荒。亦以狀聞。量加優獎。百姓有迫于荒饉。全家逐食者。其田宅家具。樹木麥苗等。縣司並明立簿書印記。令所由及近隣人同檢校。

縣令之選
至于如此

今有吳江

章知縣受

賍枉殺烈

婦一月而

天誅大快

人意然一

歲中受賍

枉殺天誅

無形者豈

少哉後之

縣令宜如

何哉

勿容輒有毀損。及典賣填納差科。本戶却歸。使
 令復業。夫致理之本。必在于親人。親人之任。莫
 切于令長。導王者之澤。以被于下。求庶人之瘼。
 以聞于朝。得失之間。所係甚大。且一夫不獲。辜
 實在予。况百里之安危。萬人之性命。付以長吏。
 豈容易哉。今旬內凋殘。亦已大甚。每一興想。盡
 然傷懷。非慈惠不能。卹疲氓。非才術無以。賑艱
 食。臺郎御史。選重當。時得不分。朕之憂救人之
 弊。昨者詳延羣彥。親訪嘉猷。尚書司勳員外郎

竇申等十人。咸以器能理道精心。究烝黎之
苦。知教化之宗源。輟于周行。往泄通邑。申可長
安縣令。鄭珣瑜可檢校吏部員外郎兼奉先縣
令。韋武可檢校禮部員外郎兼昭應縣令。賈全
可咸陽縣令兼監察御史。霍宗可華原縣令兼
監察御史。王倉可檢校禮部員外郎兼昭應縣
令。李會可盩厔縣令兼監察御史。荀曾可三原
縣令兼侍御史。李緄可富平縣令兼殿中侍御
史。其有散官封賜者。並如故。應畿內縣令俸料。

宜准常叅官例均融加給。涇陽縣令韋滌潔已。貞明處事通敏。有禦災之術。有字物之方。人不。流亾事。皆辦集。惟是一邑之內。獨無愁怨之聲。古之循良。何以過此。就加寵秩。允叶前規。可檢。校工部員外郎兼本官。仍賜緋魚袋。并賜衣一襲。絹百匹。馬一匹。嗚呼。積行在躬。雖微必著。咨。乃庶尹。其惟欽哉。朕聞爲君者。必擇人而官。爲。臣者。罔擇官而處。弛張繫于理。不繫于時。升降。在乎人。不在乎位。朕方抑浮華。以敦敦。稽言行。

以進人非次之恩以待能者彰善黜惡期于必
行凡百君子各宜自勉

優復興元府及洋鳳等州百姓詔

朕巡狩山南，自春涉夏，師旋殷會，日費旣廣，州
閭杼軸，歲計其空，東作妨時，西成罕望，雖黽勉
從事，人不告勞，而憫悼積衷，予實知愧。昨者減
其租稅，優以復除，庶乎有瘳。汔用小息，洎駕言
旋軫，躬履畏途，絕礮縈迴，危棧綿亘，時經霖雨，
道阻且修，工徒造舟，縣人葺路，靡幼靡耄，莫獲
寧居，而又齎負糗糧，共備頓舍，涉于千里，飮我
六師，居人露處，以罔依宿，麥過時而不獲覩，茲

陸宣公集
妨奪彌增感傷。前所復除未足酬恤。式敷惠澤以紓大勞。其興元府除先優復外。宜更給復二年。鳳州全放今年稅。其興元府鳳州界內知頓及修道路閣橋州縣官將士筭並委嚴震類例。功效具名聞奏。量與甄獎。嗟乎古先哲王東征西怨。顧予不德。重以勞人。補費錄勤。是有申命長吏。明加優諭。稱朕意焉。

知鳳州山南道奉天縣令日贊

○議減鹽價詔

六于經濟
規見源本

三代立制。山澤不禁。天地材利。與人共之。王道
寢微。強霸爭鶩。于是設祈望之守。興權管之法。
以佐兵賦。以寬地征。公私之間。猶謂兼澤。歷代
遵用。遂爲典常。自項寇難。薦興已三十載。服于
櫓者。農耕盡廢。居里閭者。杼軸其空。革車方殷。
軍食屢調。人多轉徙。田畝汗萊。乃專煮海之利。
以爲贍國之術。度其所入。歲倍田租。近者軍費
日增。權價日重。至有以穀一斗。易鹽一升。本末

相踰。科條益峻。念彼貧匱。何能自滋。五味失和。百疾生害。以茲天斃。實爲痛傷。嗚呼。朕丕承列聖之緒。遐覽前王之典。旣不克靜事以息用。又不獲弛禁以便人。征利滋深。疲晷至困。予則不恤。其誰省憂。應江淮并峽內。權鹽宜令中書門下。及度支商議。裁減估價。兼釐革利害。速具條件。聞奏。削去苛刻。止塞姦訛。務于利人。必稱朕意。

○賜京畿及同華等州百姓種子賑給貧人

詔

春陽布和萬物暢茂實兆庶樂生之日農夫致力之時今茲吾人則異于是迫以荒饉愁怨無繆有離去井疆業于庸保有乞丐途路困于死亡鄉閭依然烟火斷絕種餉旣乏農耕不興若東作憊時西成何望爲人父母得不省憂雖國計猶虛公儲未贍濟人之急寧俟盈豐罄其有無瘼拯艱厄京兆府百姓並宜賜種子二萬石

同華州各賜三千石、陝虢兩州賜四千石、委州
長吏卽與度支計會請受。差公清仁恤之。吏與
縣令親至村閭隨便給付。仍加勸課。勿失農時。
應諸倉所有遠年粟麥宜令節度更分二萬石。
京兆尹卽差官逐便般載賑賜貧人。先盡鰥寡。
孤。惻目下不濟者務令均給。全活流庸。嗚呼。朕
德之不敷。誠之不感。上帝降格。丁寧厥躬。元元
何辜。罹此災害。思欲拯救。未知其方。長人之官。
寄任斯重。所宜極慮。與我同憂。勉敷惠和。以育

疲瘵佇聞良術稱朕意焉。

...

...

...

...

...

...

...

...

...

○賜將士名奉天定難功臣詔
國家受天明命平一字內自武德迄于天寶百
四十載海內無事崇德廣化澤浸生人時洽和
平俗登富教鰥寡孤獨咸得其所鳥獸魚鼈亦
罔不寧凡今有生實賴亭育羯虜伺間盜起幽
燕率土之人莫保性命肅宗以神武戡大難先
朝以仁德紹興運區域再造億兆再康室家離
析而復安子孫煦嫗而相長勞來安集垂三十
年則我列聖之于天下惠澤深矣朕以寡昧祇

膺寶曆常恐不克負荷罔敢怠荒道有未明事
多乖謬羣情壅而不達大信鬱而不彰兩河之
間羣盜連禍朕務除大患靡憚暫勞是以興有
征之師問于紀之罪昨以涇原士徒將赴汝郊
失于撫綏致使潰叛朱泚乘釁因構異圖肆其
狼心誘我蝨賊謂君可叛謂天可欺縱恣凌悖
無所愧畏朕失守宮闕出次郊圻九廟震驚萬
姓奔駭內省思咎外顧懷慚罪實在予不敢自
蔽意者宗社降祐大儆于朕躬夙夜殷憂庶乎

有補實賴股肱心膂勵從戎之節方岳將校集
勤王之師赴難如歸見危思奮堅貞利操何日
忘之平巨猾者必仗羣雄賞茂績者不限彝典
保勲庸于帶礪傳爵邑于子孫崇功美名與國
終始其諸軍使應到奉天縣將士等宜並賜名
奉天定難功臣食實封者子孫相繼代代無絕
身有過犯遞減罪二等子孫有過犯遞減罪一
等當戶應有差科徭役一切蠲免其功臣已後
雖衰老疾患不任軍旅者當分糧賜等並與全

給身死之後、回給家口、十年勿絕、如有能梟擒
朱泚者、卽以朱泚在身官爵授之、仍加實封二
千戶、朱泚所有田宅財物、悉並克賜、其梟擒賊
大將已下、并節級、特加優寵、仍各與實封、應梟
擒人所有田宅財物、亦使賜之、其餘立功、應合
授官給賞、並准今年七月勅處分、其今日已前、
身死王事者、追贈官爵、亦稱奉天定難功臣、子
孫爲功臣之家、應合襲封、減罪蠲免、差役等、一
切同例、宣告中外、令知朕懷、建中四年十一月

二十三日

改府州之名似非急務而說出一段中興所係便爲良圖。

○改梁州爲興元府。升洋州爲望州。詔自昔多虞。順時而動。古公避狄。兆永祚于岐下。高帝徙蜀。建雄圖于漢中。王蹟所興。子孫是奉。覩遷居于遐阻。知致君之艱難。矧天下爲家。不常厥邑。王者所至。四方會同。崇號設都。于是乎在。朕遭罹寇難。播越梁岷。烝庶煩于供億。武徒勤于扞衛。凡百執事。各奉厥司。人皆競勸。物以豐給。嘉乃成績。予懷不忘。今大憝已除。京邑甫定。將旋法駕。展敬園陵。眷于是邦。復我興運。宜

其崇大以示將來。古者天子省方則問百年，卹百姓以頒慶，賜以茂勲，勞用弘布澤之恩，式慰來蘇之望。宜改梁州爲興元府，其署置官資望一切與京兆河南府同，南鄭縣升爲赤縣，諸縣並升爲畿縣。見在州縣官各令終考秩，至考滿日放選，依本資處分。耆壽與板授五品官，仍並賜緋，先已賜緋並賜紫，典正等各賜勲五轉，百姓除先減放稅錢外，更給復一年。洋州宜升爲望州，見任州官亦並令終考秩，并諸縣官等各

減兩選無選可減者各加三階應山南西道節
度下將士除扈從迎駕已經改官者餘並卽與
甄叙嗚呼古先哲王東征西怨顧予不德重于
勤人撫心咎已良增愧嘆宣示有衆明知朕懷

陸宣公集卷之四

終

其國為治密以... 其國為治密以... 其國為治密以...

其國為治密以... 其國為治密以... 其國為治密以...

其國為治密以... 其國為治密以... 其國為治密以...

其國為治密以... 其國為治密以... 其國為治密以...

其國為治密以... 其國為治密以... 其國為治密以...

其國為治密以... 其國為治密以... 其國為治密以...

其國為治密以... 其國為治密以... 其國為治密以...

其國為治密以... 其國為治密以... 其國為治密以...

其國為治密以... 其國為治密以... 其國為治密以...

陸宣公制誥卷之五

奉天遣使宣慰諸道詔

古者天子巡狩之義。以考國典。以觀人風。在時多虞。或所不暇。乃命卿士。使于四方。問人疾苦。廉吏善惡。苟副所任。則如親臨。在理平之時。尚資勤恤。當喪亂之際。得無省憂。朕以不敏。肆于人上。撫馭失道。誠感未孚。寇盜繁興。阻兵拒命。哀哉。臣庶陷于匪人。顧茲田疇。鞠爲茂草。不念柔復。遽命徂征。徵發兵甲。萬里必至。暴露營壘。

連年不息。冒于鋒刃。繼以死傷。煢嫠無依。父母
廢食。存者積思家之怨。歿者倍異鄉之痛。又以
軍費滋廣。公儲不克。厚取于人。罔率厥典。科條
互設。計歛無常。農工廢棄其生業。商賈咨嗟于
道路。軍營日益。間井日空。凋瘵日窮。徭役日甚。
以財力之有限。供求取之無涯。暴吏肆威。鞭笞
督責。嗷嗷黔首。控告何依。怨氣上騰。咎徵斯應。
疫癘薦至。水旱相乘。罪非朕躬。誰任其責。朕自
嗣位。迄今六年。連兵不解。已踰四稔。雖本非獲。

已○義○在○濟○人○而○事○乃○重○勞○敢○忘○咎○已○皆○以○朕○之○
寡○昧○居○安○忘○危○致○寇○之○由○實○在○于○此○予○則○不○德○
人○亦○何○辜○愧○恨○積○中○痛○心○疾○首○昨○者○改○元○施○令○
悔○往○布○新○將○反○側○獲○安○則○于○戈○日○弭○賦○役○差○減○
則○衆○庶○就○康○還○定○流○亾○與○之○休○息○猶○懼○思○慮○未○
周○于○庶○務○誠○感○未○達○于○遐○方○一○理○失○中○一○夫○不○
獲○則○何○以○謝○天○譴○致○人○和○俾○代○予○言○其○在○良○弼○
宜○令○門○下○侍○郎○同○中○書○門○下○平○章○事○蕭○復○克○山○
南○東○西○鄂○岳○荆○南○江○西○淮○南○浙○江○東○西○嶺○南○福○

建等道宣慰安撫、嗚呼往率乃職、敬敷朕命、慰
勉征戍、勞徠困窮、訪其所安、察其所弊、淹滯必
達、冤濫必申、無憚幽遠而不被、無畧細微而不
恤、洎乎編疇比屋、咸若朕之躬親、股肱惟良、予
則有賴、其諸道將士、并准今年正月一日制、嚴
備疆界、勿使侵擾、仍各令本使本將、速具名銜
等聞奏、悉與甄叙、其殊功勁節、超越常倫、別條
狀績、當特優獎、百姓除每年兩稅定額外、自餘
徵率一切並停、課勸農桑、各令安業、寇難既定、

漸息干戈，朕當躬先簡約，庶務節省，兩稅之內，亦便減除其諸道事緣急切須處分者，卽與所在節度觀察使商議裁度，務合便宜，其餘利害，還日條奏，朕當詳省，以擇厥中，宣布遠邇，咸使聞知。

收復京師遣使宣慰將吏百姓詔

朕獲承先顧。付以大器。懼德不類。貽列聖羞。虔恭揚厲。罔敢暇逸。將欲立法齊一。致俗和平。小信未孚。衆心遂阻。事理乖當。百度失中。君臣之間。鬱堙不達。致寇雖深。于罪已興。戎猶昧于省躬。期靖亂以濟人。反勞師而黷武。行者被殺。傷之苦。居者重齎送之勞。四海騷然。靡有寧處。京輦之下。杼軸亦空。環列之中。遣戍殆盡。畧內以勤遠。居安而忘危。賊臣誘姦。乘間竊發。豺狼穢

于宮闕。士庶陷于塗炭。作威肆戮。仇視我人。萬
姓嗷嗷。呼天罔告。有殞路以抗節。有脅從以假
命。且一夫不獲。辜實在予。朕君臨萬邦。作人父
母。旣不克覆育。又從而咎之。其心愧耻。一食三
嘆。退舍內訟。介于梁岷。庶乎有瘳。以答譴戒。皇
天悔禍。宗社降靈。腹心爪牙。奮謀宣力。元惡稔
慝。脫身逃遁。餘黨歸誠。率衆款附。掃氛沴而闢
閭闔。翦鯨鯢以清郊原。函夏載寧。室家相慶。非
將士夾輔王室。非卿相交。修予違。軍旅叶心。畢

命盡敵。豈伊寡昧。克復興運。戡定大難。載感予
懷。宜令吏部侍郎班宏。充上都宣慰使。勞問將
士。撫綏烝黎。招輯流亾。慰安反側。朕續整飭法
駕。擇日還京。告謝于祖宗。請罪于天地。策勲行
賞。大報忠烈。銘功永代。與國同休。明宣朕懷。咸
使知悉。

羅若
豈夫人

味

陶

陶

夫人

陶

陶

...

...

...

...

...

...

...

...

...

詞理精當

盡言盡意

文人能之

利用濟時

賈晁而後

如敬輿者

豈文人能

事哉

平淮西後宴賞諸軍將士放歸本道詔

朕纂奉丕業。託于人上。仁不被物。義不勝姦。頌

聲茂聞。暴亂連起。叛臣希烈。竊據淮沂。誠則彼

夫無良。亦由朕之不德。撫御之道。失之于初。師

旅一興。綿聯莫解。服勞者從役。不暇受汗。者無

路自新。旱蝗相乘。穀糴翔貴。兵氓餒死。十室九

空。通邑化爲丘墟。遺骸遍于原野。每念于此。傷

心涕流。且自昔勞師。靡有不悔。以虞舜之聖。屈

于苗人。漢武之強。弊于戎虜。矧乎德猶不逮。力

或○未○全○我○其○永○懷○求○已○自○警○乃○者○下○哀○痛○之○詔○
布○寬○大○之○恩○普○天○載○新○殊○死○必○宥○然○尚○勞○師○旅○
作○扞○邊○陲○有○累○歲○棄○離○家○室○有○經○時○不○解○甲○冑○
忠○雖○爲○國○咎○實○在○予○君○人○若○斯○寧○不○知○愧○賴○節○
將○士○旅○一○其○誠○心○奮○發○武○威○慎○固○疆○宇○遠○人○思○
服○元○惡○就○誅○烝○黎○方○致○于○安○寧○役○戍○永○期○于○休○
息○懋○官○以○旌○善○錫○宴○以○勞○功○賞○不○踰○時○式○遵○彝○
典○都○統○檢○校○司○空○同○中○書○門○下○平○章○事○劉○從○一○
並○與○子○孫○一○人○五○品○正○員○官○鄭○滑○節○度○使○檢○校○

尚書右僕射李澄。檢校兵部尚書曲環。檢校戶部尚書李臯。兼御史大夫樊澤等。並與子孫一人七品正員官。都防禦使工部尚書御史大夫賈耽。都團練使檢校左散騎常侍兼御史大夫盧玄卿。兼御史大夫張建封等。並與子孫一人八品正員官。檢校司空同中書門下平章事李抱真。檢校司空同中書門下平章事李納。檢校尚書右僕射同中書門下平章事韓滉。檢校工部尚書御史大夫田緒。咸遣士旅遠赴行營。同

討不庭。厥有成績。抱真納滉。宜並與子孫一人。七品正員官。緒與子孫一人。八品正員官。應與淮西接界州縣。本界鎮守。及諸道赴行營將士等。宜共賜物三十萬端疋。以充賞設。度支卽約據界首。及行營軍額。分配定數。逐便支送。仍委本道都統節度防禦都團練使。卽條錄功第各銜。聞奏。並與甄叙。其行營將士。仍各放歸本道。明加宣諭。令悉朕懷。

○授王武俊李抱真官封并招諭朱滔詔
三公之職論道經邦序五行之和任百事之理
歷代崇重不常厥官天祚皇家茂生才傑比義
齊列同寅協恭以德允台階之望以勲當并賦
之賜聿應並命式副具瞻開府儀同三司檢校
司空同中書門下平章事使持節恒州諸軍事
守恒州刺史克成德軍恒冀深趙等州節度觀
察處置等使瑯邪郡王王武俊秉志沉密臨事
能斷忠而致力勇且有仁奮發之初渠魁卽戮

危疑之際、大節首彰、開府儀同三司、檢校尚書
左僕射、同中書門下平章事、潞州大都督府長
史、昭義軍澤潞磁邢等州節度觀察、處置度支
營田等使、上柱國符陽郡王、李抱真、質重氣積、
內精外朗、智窮變化、守必以常、學本明誠、動有
攸利、謀猷屢告、規益孔多、皆戮力盡瘁、志匡王
室、陳師鞠旅、同討不庭、仗大義而萬衆叶心、體
至公而千里同契、合軍于呼吸之際、決策于指
揮之間、并轡載馳、執桴親鼓、克徒殄殲、河右廓

清國家無北顧之虞，姦慝阻南侵之計，時乃同德，厥功茂焉。敷五教而阜人，均九土以居衆，俾爾更踐，備揚鴻休。乃加真實，以貽後嗣。武俊可檢校司徒，同中書門下平章事。抱真可檢校司空，同中書門下平章事。賜實封五百戶。嗚呼！古人有言曰：惟理亂在庶官。矧惟輔臣，與國同體。明朕德命，爾其欽承。朕嗣位不明，輕費尚力。謂武可以靖暴慢，謂刑可以懲奸邪。德之不修，亂是用長。士馬疲耗，烝庶流離。罪非朕躬，誰任其

咎自去歲遭變、再經播遷、歷山川之險艱、知軍旅之勞苦、惟省前過、悔恨盈懷、追遠事而不及、庶後圖之可補、以九廟爲重而不憚屈身、以百姓爲心而不專私欲、苟可以保安社稷、休息甲兵、弘濟蒼生、蠲省徭賦、含垢忍耻、予無難焉、朱滔受任薊門、累著誠績、姿遇旣重、封秩亦崇、臣節中虧、自貽伊阻、洎賊泚僭竊上京、兄弟之親、在法無赦、朕以罪不相及、情有可原、待以如初之誠、廣其自新之路、執迷不復、因敗是求、感喪

而歸既困方悟累獻款疏深陳懇誠省之惻然
良用憫歎雖將相嫉惡之志固所難容以君上
懷柔之情未忍拒絕且善莫大于改過德莫盛
于好生叛而伐之服而舍之銷難愛人實惟朕
志宜委武俊抱真開示大信明加曉諭若誠心
益固善蹟克彰朕當掩釁錄勲與之昭雪宣告
衆庶咸始聞知

...

...

...

...

...

...

...

...

...

招諭淮西將吏詔

朕臨御已來。連兵不息。自經播越。方歷險艱。耳聞鼙鼓之聲。目視殺傷之苦。由是覺悟。悔于興師。既省已以知非。亦欲人之遷善。至乃歲有再赦。事有屢言。務于撫綏。不憚煩冗。冀朕之誠信。日布。冀人之患難日除。每議用兵。惻然不忍。而賊臣希烈。煽禍滔天。虐用其人。介視厥衆。狼心多忌。梟性無親。以芟伐立威。以猜刻爲志。朝爲昵比。夕爲仇讐。肆其芟夷。蔑若草芥。憑陵汝海。

流血盈川。侵軼浚郊。積骸遍野。農耕廢業。井邑成墟。積彼妖氛。發爲災癘。蕭條千里。無復人烟。朕哀彼生靈。陷于塗炭。苟存拯物。不難屈身故于首春。特布新令。赦其殊死。待以初誠。使臣纔越于郊畿。巨猾已聞于僭竊。酷烈滋甚。吞噬無厭。將相大臣。咸懷憤激。繼陳章疏。固請除討。朕以所行天誅。本去人害。兵戈旣接。玉石難分。言念忠良。遭罹脅制。雖欲却臣陳節。厥路無由。受汗終身。銜冤沒代。淪胥以逞。誠足痛傷。宜令諸

道節度使、每欲進軍、先加曉諭、今所致討、唯止
元兇、其餘脅從、一切不問、如能去逆効順、因事
建功、明設科條、以示褒勸、其有一州降者、便授
刺史、封異姓王、賜實封五百戶、以一萬人已上
降者、授刺史、封國公、賜實封三百戶、其餘各據
功效、節級甄升、列爵建官、以俟能者、朗然明信、
朕不食言、宣示遠人、各令知悉、

招諭河中詔

朔方諸軍應在河中。絳州朝邑將士等並以義烈繼代勲業。冠時艱虞。已來常濟國難。肅宗代宗再復京邑。皆是朔方將士之功。去歲朕在奉天。兇黨攻逼。解圍赴急。亦賴此軍言念爪牙。情均骨肉。濟朕危厄。感之豈忘。頃以懷光背恩。自生猜阻。熒惑將士。汗脅忠良。朕頻降詔書再三。曉諭皆被懷光隱匿。兼亦志有加誣。朕之誠懷。竟未宣布。夙夜自愧。寢食不安。時屬嚴凝。屢頒

衣賜豈以懷光一人拒命遂令將士俱不沾恩
朕于功臣義存終始其朔方及諸軍應在河中
絳州朝邑將士等今年春冬衣賜並准二月二
十一日勅緣赴奉天解圍功臣等第給錢物宜
令所司并許計料別收貯待道路通流卽當時
支遣其有歸順者續給其將士等有先賜實封
一切准元勅並州給牒委馬燧渾瑊逐分送付
其差人請受仍明加宣諭招撫務令忠義之士
各悉朕意

安撫淮西歸順將士百姓勅

李希烈首亂淮濱，又侵滎汴，兇威所及，罔不脅從。百姓旣罹于網羅，將士兼質其家口，哀我衆庶，銜寃莫伸。雖欲歸降，何由自達。朕爲人父母，不克保安，遂使忠良橫遭脅汙，興言憫悼，思惻深衷。今王師四臨，所至剋捷，將士百姓，款附甚多。或棄其鄉園，或捐其家族，脫身故節，良有可嘉。特宜撫綏，以獎誠效。應淮西界內及滎汴等州將士歸順者，委所在節度防禦等使，便與收

管切加存恤、優給資糧、仍各具名銜聞奏、當與甄獎、并給遣衣賜、其百姓從賊界內歸順者、亦委所在觀察使、刺史、量以本道諸色錢糧賑給、令得存濟、如情願便住者、卽配與死戶田宅、使營生業、若欲赴諸州縣者、隨其所之、當時給文牒發遣、不得止遏、所至之處、准前優賞、率土之內、莫非王臣、雖陷寇中、諒非獲已、但能効順、卽是平人、務于招綏、副朕所恤、

甄獎陷賊守節官詔

沮勸二柄。國之大綱。獎善懲違。固不可廢。頃者賊臣構亂。京邑震騷。惟茲土人。奔竄無所。或從其誘脅。遂染汗名。或守以純誠。竟全貞節。昨所司奏議。但舉刑章。坐累者各已條疏。守節者並已甄異。忠正而不報。豈朕意焉。應在京百司及京兆府。長安萬年兩縣。去年十月三日。見在職事官。在城陷于賊中。潛藏不受逆命。并諸色前資官。被僞署官爵。頻遭迫脅。首末不出事跡。昭

著。衆所明知者。並委御史臺訪察。勘覆其事。勿容虛濫。仍限今月內具名銜事跡聞奏。五品已上。及常叅官。已授替者。委中書門下與處分。六品已下。各減三選。不拘考例聽集。其未得資被替。非時放選。仍稍優與處分。如已喪亾者。並與追贈。使恩加存歿。以稱朕懷。

○令伯寮議大禮期日詔

朕自遷越旋于京師將欲請罪祖宗告謝天地
所司擇日行有期矣議者多以大盜之後人勞
匪居懼愆歲功請俟農隙若俯順羣議則私懷
不安將祇率典章又疲疇重擾夙夜憂惕罔知
所裁宜令中書門下與常叅官卽詳議折衷聞
奏

... 陞宣公集 ...

... 陞宣公集 ...

... 陞宣公集 ...

... 陞宣公集 ...

... 陞宣公集 ...

... 陞宣公集 ...

... 陞宣公集 ...

... 陞宣公集 ...

... 陞宣公集 ...

不許諸軍侵擾勅

李希烈阻兵淮右，虐害烝人，朕哀憫無辜，橫遭脅制。若興師行伐，則玉石俱焚。所以頻下詔書，再三開諭，曾無悛革。但益憑陵，忠勇之徒，皆思奮激。朕悔于征伐，務在含容。以一夫無良，遂百姓罹禍。安人忍耻，初是素懷。今東方作興，麥秋在近。儻行侵抄，深害農功。一方之人，實足矜憫。應與淮西接界州縣，各委本道都統節度都防禦團練等使，明申前勅，嚴設隄防，務使農人遂

大禹下車
泣罪羊陸
不擾敵國
聖王賢臣
須具如此
襟度。

其耕獲賊若不先侵軼但自保守封疆勿令越
境暴犯田苗及有侵掠務宣朝化以洽遠人仍
于所在界首明加招諭咸令知悉。

香炳荆荆于五并發濟合容以一夫無負致百
再三開備習無突率至益懸刻以良以封皆懸
命處我與時針針以似五不與焚似似酸不臨其
奉命然出兵其食事害杰入判身開無辜對費

不特請...

放淮西生口歸本貫勅

學帝王術者無出于

刑名道德四字刑名

中參刻之毒道德中

腐氣之毒無毒可中

者庶幾此書

遷徙家鄉、分離骨肉、有生之酷、莫甚于斯、朕撫育兆人、冀臻理道、懲過不可以不罰、原情不可以不矜、將推內恕之心、用廣自新之路、應從李希烈作亂以來、諸道所有擒獲淮西生口、配隸嶺南黔中等道、宜一切釋放、歸本道、其投降人等、權于諸州縣安置者、亦任各從所適。

令諸道募靈武鎮守人詔

朕以寡德君臨兆人憂四鄙之不寧懼一物之失所降心以懷戎狄期息征徃極慮以綏蒸黎冀遂安輯今夏岳牧咸能撫封九姓可汗薦克敦好寰瀛之內其謂小康愛人雖發于朕心濟理實由于藩輔豈惟菲薄所致于茲然獨吐蕃負恩背盟棄約尚勞師旅備禦西陲亦賴方岳同心簡練傑俊助其防鎮遏彼奔衝數年以來邊境寧謐乃眷靈武實惟雄藩扼東牧之咽喉

控北門之管、鍵軍懸冠、邇地遠勢孤、雖無交切、
之虞、須建久安之策、朕屬慮于此、殆今累年、晨
思廢食、暮想忘寢、征兵益戍、則憚其勞、師移人
實邊、又念其離土、朕欲令萬姓各遂所安、抑而
使人情有不忍、中懷結鬱、罔知所從、古人有言
主憂臣憤、今朕憂矣、將相牧守、得不與我同其
慮哉、此乃忠臣盡規之時、勇士建功之日、苟弘
良算、必有其人、宜令諸道節度觀察使各與本
官諸色人中、募能赴靈武鎮守者、取其情願重

設賞科，仍須精選驍雄，廣延武藝，便以本道諸色錢物給付，仍優厚裝束發赴上者，每道各據所管州縣多少，通計每州所募，多不得過五十人，少不減三十人，若欲將家口相隨，便給資糧，同發遣，如有戶貫在州者，蠲免本戶差科，其官健到日，朕當超資與官，至鎮便替朕之，此意非務廣兵，欲使四方驍雄俱到塞上，壯邊城士旅之氣，杜戎醜窺伺之心，方岳信臣所當相悉，勿令騷擾，副我憂人。

陸宣公制誥卷之六

冊淑妃王氏爲皇后文

說得鄭重
精貼

維貞元二年歲次丙寅十一月丁亥十一日丁酉皇帝若曰乾坤合德聖人則之維帝承天惟后配帝嗣續百代母臨萬邦位定于中而尊加於外德修諸已而化被於人御於家邦所繫斯在三代崇替靡不由之予是以詢衆採賢重難茲命中壺虛位於今歷年陰儀或虧宗事無主缺於典禮朕甚愧焉稱是徽章聿歸全德咨爾

淑妃王氏天與淳粹氣鍾元和含章在中發秀
於外卓爾風操穆然容輝周旋中規進退有度
仁愛恭儉稟於生知詩書禮樂成自師氏竭其
孝敬祇事先朝承事無違克諧尊旨往居桂苑
淑聞已彰洎奉椒塗謙光載路言無伐善志在
匿瑕柔嘉自持喜愠莫見六宮攸序九族以親
嘗屬艱迤累從行幸思賢才以輔佐知臣下之
勤勞庶績伊凝頗資內助永念頃塗之志且懷
求劔之情崇位長秋永懷盛典矧惟元子貞我

萬邦稽以舊章。是宜從貴。今遣攝太尉某官某。
持節冊命爾爲皇后。嗚呼敬哉。王教之端。始于
內範。風美關雎之化。雅詠思齊之德。罔懈厥位。
忝于前修。克念有終。庶無後悔。奉承休命。可不
慎歟。

與

本十箇餘文念宵絲與無對對奉承本命西天
 西。且美關難多外琳精思齊之益同辨顯也
 性何抵命爾。思。以。始。辨。王。始。多。諸。飲。年
 真。我。滿。以。諸。宜。長。有。身。對。合。數。辨。太。其。其。官。君

冊嘉誠公主文

維貞元元年歲次乙丑六月甲子朔十二日乙
亥皇帝若曰王者以義睦宗親以禮敦風俗義
之。淡。實。先。於。友。愛。禮。之。重。莫。大。于。婚。姻。故。春。秋
書築館之儀易象著歸妹之吉予是用祇考令
典率爾舊章咨爾嘉誠公主孝友柔謙外和內
敏公宮稟訓四德備修疏邑啓封命爲公主徽
章所被禮實宜之今遣光祿大夫檢校司徒同
平章事沂國公勉持節冊命爾惟欽哉下嫁諸

侯諒惟古制肅雍之德見美詩人和可以克家
敬可以行已奉若茲道永孚于休懋敦王風勿
墜先訓光膺盛典可不慎歟

典率爾善尊咨爾燕婉公主主茲文業
善業前之勳長壤舊勳之古平是周知
之勳有矣於文受斷之重莫大乎微
之帝恭曰王休以義報宗雖以斷
辨貞示示羊齒矣丁丑六月甲午
十二日

柳壽福公主文

冊蜀王妃文

維建中二年十一月某日皇帝若曰夫茂建親戚以敦族固本明慎選納以厚別蕃嗣實人倫之始王教之端也朕奉若謨訓允求淑哲賢必有象鍾慶於令門姻不失親載光於戚里故某官駙馬都尉田擇交第若干女生稟柔惠習知禮則容德純備孝睦洽聞可以叶美好速輔成樂善是用使其官某持節冊命爲蜀王妃嗚呼敬之哉備禮以崇其好合起家而榮其爵位非

冊杞王妃文

維建中二年十一月某日甲子、皇帝使某官持
節、冊命某官竇烜第若干女、爲杞王妃、曰嗚呼
禮、以大婚崇繼嗣、本人倫之教、詩言淑女配君
子、繫王化之綱、蓋率人成風、由內及外、得不承
嘉耦、以固盤石、刑閨門、以御家邦、詳求惟難、歷
選茲久、時乃之擇、得于舊姻、柔婉稟乎天和、禮
樂成于家法、明章婦順、虔奉姆儀、克茂鵲巢之
規、叶宣麟趾之美、其祇膺嘉禮、欽率內教、淑慎

厥心無替于後嗚呼可不慎歟

崇祯十一年冬十月庚申朔庚辰奉敕對策其辭與文

多茲入執以文辭將于舊政柔敘稟乎天時

無勝以固盤石無圍門以啣宗朕藉求非難

于縶王外之陳蓋率入大風由內及外將不來

野以大敬崇黜臨本入論之姤精言然文猶

命其官實煇榮若于女為計王時自

中二平十二其某日甲子皇帝對其官

張王致文

大效
下類
下類
下類

如此大題
且公必有
一篇極雄
偉大文章
祇緣德宗
無大德而
又不敢不
薦信于皇
天故惟脩
敬告虔質
利有體。

○告謝昊天上帝冊文

維貞元元年歲次乙丑十一月癸巳朔十一日
癸卯嗣天子臣某敢昭告于昊天上帝顧惟寡
昧不克明道丕膺眷命俾作神主常恐獲戾上
下而播災于人兢兢業業夙夜祇畏居位五祀
德馨蔑聞皇靈不歆是用大儆殷憂播蕩踰歷
三時誠懼烈祖之耿光墜而不耀側身思咎庶
補將來上帝顧懷誘衷悔禍勦克慝之凌暴雪
人神之憤耻舊物不改神心載新茲乃九廟遺

體兆人介福以臣之責其何解焉間屬寇虞久
稽告謝今近郊甫定長至在辰謹以玉帛犧齊
粢盛庶品冀憑禋燎式薦至誠太祖景皇帝配
神作主

。告謝玄宗廟文

維貞元元年歲次乙丑十一月癸巳朔十一日
癸卯孝曾孫嗣皇帝臣某敢昭告于皇曾祖考
玄宗至道大聖大明孝皇帝皇祖妣元獻皇后
楊氏臣猥承聖緒獲主大器懼德不嗣靡所安
寧任重道悠竟貽顛越京闕生變神人無依臣
懷永圖不敢自棄忍耻含憤迫于載遷戴天履
地俯仰慙揚率賴烈祖遺澤感深于人人心攸
歸天意允若肆予小子憑宗廟之積慶再復于

告謝肅宗廟文

維貞元元年歲次乙丑十一月癸巳朔十一日
癸卯孝孫嗣皇帝臣某敢昭告于皇祖考肅宗
文明武德大聖大宣皇帝皇祖妣章敬皇后吳
氏臣嗣服先業不克負荷人流于下事失其中
姦魁乘釁作亂京邑播遷之咎臣實自貽震驚
宗祏曠時乏祀外憂內愧若墜深泉勵已誓心
期刷大耻實賴聖祖中興之業全育兆人澤深
慶遠流福裔嗣故上天悔禍羣孽就誅非臣寡

昧所能續服。今祇率百辟。見于廟廷。謹以一元
大武彙毛剛鬣。明粢薌其嘉薦。嘉蔬醴齊。備物
潔誠。聿申告謝。尚饗。

齊世宗廟文

告謝代宗廟文

維貞元元年歲次乙丑十一月癸巳朔十一日
癸卯孝子嗣皇帝臣某敢昭告于皇考代宗睿
文孝皇帝伏惟玄德廣運重光盛業武平多難
仁育羣生謂臣克堪付以大寶臣自底不類再
罹播遷宗祧乏享億兆靡依下辜人心上負先
顧敢愛隕越苟全眇身大懼社稷沾危以增九
廟之愧由是忍耻誓志庶補前羞列聖在天鑒
臣精懇敷錫丕祐俾之續承兇渠殄夷都邑如

○祭大禹廟文

維貞元元年某月某日、皇帝遣某官、以牢醴之
奠、敬祭于大禹之靈、惟王德配乾坤、智侔造化、
拯萬類于昏墊、分九州于洪波、經啓之功、于今
是賴、巍巍蕩蕩、無得而名、顧以眇身、辱承大寶、
時則異于今古、道寧間于幽明、雖依聖垂休、諒
非可繼而勤人、勵已竊有所希、迨茲八年、理道
猶昧、沴氣鬱結、降爲凶災、邦無宿儲、野有餓殍、
上愧明哲、下慙生靈、夙夜憂揚、如蹈泉谷、所資

遠想義黃
中述湯武
近及時弊
百遠詞文

。策問賢良方正能直言極諫科

皇帝若曰蓋聞上古至道之君垂拱無爲以臨
海內不理而人化不勞而事成星辰軌道風雨
時若逸乎其不可繼何施而臻此歟三代以來
制作滋廣異文質之變明利害之鄉威之以刑
道之以禮敦其俗而彌薄防其人而益偷豈澆
淳必繫于時耶何聖賢間生而莫之振也朕祇
膺累聖之業猥居兆人之上乾居克勵如恐失
墜憂濟庶務夕惕晨興永惟前王之典謨是憲

是則師大禹以崇儉。法高宗以求賢。興夏啓之
征。作周文之罰。旌孝悌。舉直言。養高年。敦本業。
平均徭稅。黜陟幽明。勵精孜孜。勤亦至矣。然而
浮靡不革。理化不行。暴亂不懲。奸犯不息。五教
猶鬱。七臣未臻。鄉黨廢尚齒之儀。烝黎無安居
之志。賦入日減。而私室愈貧。廉察日增。而吏道
愈濫。意者朕不明歟。何古今之事同。而得失之
效異也。思欲剗革前弊。創立新規。施之于事。而
易從考之。于文。而有據備。陳本末。將舉而行。無

或憚煩略于條對。自頃陰陽舛候。稔沴頻興。仍歲旱蝗。稼穡不稔。上天作孽。必有由然。屢推凶災。其咎安在。傳曰。時之不乂。厥罰常陰。又曰。堯湯水旱。數之常也。二者乖反。其誰云從。今人靡蓋。藏國無廩積。朕屢延卿士。詢訪謀猷。至乃減冗食之徒。罷不急之務。既聞嘉語。亦已遵行。而停廢之餘。所費猶廣。俟轉糧于江徼。則遠不及期。將搜粟于關中。則撓而無獲。節軍食。則功臣懷怨。省吏員。則多士靡歸。中心浩然。罔知攸濟。

子大夫蘊畜才器。通明今古。副我虛求。森然就
列。匡朕之寡昧。拯時之艱災。畢志直言。無有所
隱。

策問博通墳典達于教化科

皇帝若曰朕承祖宗之鴻烈獲主神器任大守
重懼不克堪思與賢士大夫共康理道虛襟以
佇側席以求而羣議紛然所見異指或牽古義
而不變或趨時會而不經依違以來七年于茲
矣國制多缺朕甚憊焉今子大夫博習墳典深
明教化褒然克舉咸造于庭其極思精心以喻
朕之未悟仲尼敘禮樂刪詩書修春秋廣易道
六經之教所尚各殊豈學者修行理當區別將

聖人立意本異宗源施之于時孰爲先後考之于道何者淺深差次等倫指明其義夫知本乃能通于變學古所以行于今今之教人則異于是工祝陳禮樂之器而不知其情生徒誦禮樂之文而不試以事欲人無惑其可得耶將革前非固有良術堯舜率天下以義比屋可封桀紂率天下以暴比屋可戮然則上之化下罔或不從而三仁四凶較然自異有教無類豈虛言哉作樂移風聞諸昔典夫至雅必淡至音希聲文

侯列國之賢君。猶曰則惟恐寐矧彼流俗。其能
化乎。將使天地同和。災沴不作。黎人不丕變。姦慝
不萌。何施何爲。以致于此。王者制理。必因其時。
故忠敬質文。更變迭救。三代之際。罔不由之。自
秦剗古法。漢雜霸道。紛淪千祀。王教不興。國家
接周隋之餘。俗未淳。一處都邑者。利巧而無耻。
服田畝者。朴野而近愚。尚文則彌長。其澆風復
質。又莫救其鄙。俗立教之本。將安所從。自昔哲
王。惟以三正互用。後之術士。乃言五運相生。以

漢應火行。則周爲木德。禮稱尚赤。義例頗垂。永
言于茲。莫識厥理。九流得失之論。歷代興亡之
由。王鄭識理之異同。公穀傳經之優劣。必精必
究。用沃虛懷。

策問識洞韜略堪任將帥科

皇帝若曰朕遐觀典謨詳求理道三代之際粲然可徵未嘗不文武並興農戰兼務故能居則足食動則足兵兵足則威食足則固威則暴亂息固則教化行理國之本實在于此秦漢已降王制不修選士廢射御之儀教人無蒐狩之禮卽戎者不知其稼穡力本者罕習于干戈于是異文武之人分農戰之道守則乏食征則鮮兵歷茲千年竟莫能復抑知者益寡將行之惟艱

歟。朕念之甚勤。思繼前躅。良以軍旅之士。役戍靡寧。勲庸既多。爵秩咸貴。俾服田畝。慮興怨咨。仰給縣官。不可勝計。由是版圖日減。阡陌歲荒。水旱小愆。廩餉咸竭。欲使軍人悅歸。于耜耒儒者兼達。于韜鈴田萊盡耕。攻取必勝。誘人孔易。其術安施。王者之師。本于立德。兵家之法。方務出奇。德以信成。奇以詐勝。理有違反。將何適從。宋襄成列。而敗軍。見嘉魯策。韓信決囊。以摧敵。取貴漢朝。然則喪國亾身。豈霸王之道。冒危乘

厄。非仁諠之心。所宜討論。以定褒貶。夫衆寡不
敵。克必以謀。樂生下齊。孫子破楚。魏武之勝。袁
紹。宋高之滅。姚泓成敗之由。備陳本末。古人有
言曰。誅伐不可偃于天下。又曰。善爲國者不師。
二端異焉。其有深旨。子房序次兵法。任宏論撰
軍書。指明異同。詳錄名氏。想聞商略。擇善而行。

答宰臣請停大禮表

朕失德致寇。再經播越。郊廟乏主。禮祀曠時。感憤積中。憂愧形外。日月以冀。庶補前修。賴天地降休。祖宗儲慶。再新景命。祇復皇都。自秋涉冬。已遷于律候。因心致享。未展于孝思。而公卿上言。邀予以備物。都鄙興誦。諷予以勞人。禮將俟于他年。卜不先于近日。永懷感慕。情實未安。雖則嘉話重違。其如至誠難抑。所宜參會羣彥。更擇近期。無或因循。以增不德。

... 不辭。

... 宜冬會...

... 十... 不...

... 以...

... 十...

... 命...

... 天...

... 天...

... 天...

答百寮請停大禮表

朕再經播遷。久曠禋祀。不惟霜露之感。實貽墜
失之憂。賴先澤在人。上帝臨我。克平大難。再復
舊京。朕之失德。非曰能補。旋欲請罪。宗廟展敬
郊丘。迫以羣情。俟于獻歲。今滌牲撰吉。甫及近
期。齋心永懷。明發不寢。忽覽來表。良深矍然。雖
嘉備慮之誠。實乖昭事之意。朕志先定。期于必
行。卽斷來表也。

答第二表

國之大事、首在祀典、所宜嚴奉、以達至誠、况今之所懷、又異常日、不克嗣守、馴致寇戎、淪陷國都、震驚園寢、幸憑玄祐、再續鴻休、播越三時、久虧禋祀之禮、旋歸半歲、未申告謝之誠、感愧積中、若墜泉谷、坐而待曙、跂及上春、庶乎天地靈祇、以歆精意、胡乃股肱、卿士尚執疑謀、出既不及、告辭入又廢于朝、獻罔極之慕、何心自安、宜潔乃誠、以祇所奉、副予懇切、勿復頻煩、

清心始以知也奉國守職以於身也

交昔籍人又感于時始因遊之慕回心自安宜

始以道許意也衣冠趨士尚辭異黜出到不

中昔聖泉谷坐而待觀也又土春氣乎天淑雲

種野而之豔與執半遠朱申中構之始趨野

形雲董固窳幸懸支始再齋然朴淋脈在神

少恒對又異常日不哀臨半肥遊家海流神

國之大非首亦版典也宜鐵奉以事聖精聚

卷之二末

答第三表

三省來表、深體乃誠、明孝敬之大端、陳安危之上計、祇率嘉話、夫豈不懷、永言思之、固亦難抑、進退慙場、罔知所裁、中宵求衣、當饋忘食、且聿修祀事、所貴專精、苟未至誠、則如勿祭、今近期甫及、當齋潔敬之心、而輿譎紛然、猶執異同之論、禮既虧于嚴奉、事奚展于孝思、以義制心、勉依來請、重予不德、愧歎良深。

封來請重早不謝此樣良察

論斷則強于知奉事矣與于奉思以美除必

素又當齋素始之心而與諸益然斷時異同之

舒蘇車池貴車誦詩未至始即賦以祭今我賦

班張漢恩則賦也蘇中宵來本當齋法食且車

王君所率嘉語夫豈不謝永言思之固亦機利

三省來素幾歸心賦即華始之大誠期安意也

卷之三

答百寮賀利州連理木表

珍木呈祥，允符靈貺。顧惟不德，何以當之。朕聞
人事聿修，天休乃答。今則克渠尚在，戎役方殷。
虐旱妨農，飛蝗害稼。諒咎徵之未弭，曷嘉瑞而
復臻。所冀公卿大夫交匡不逮，覩茲稱述，益用
懷慙。

答宰臣請復御膳表

嘗覽典謨。每嘉儉德。愛人惜費。是朕素懷。况大
兵之餘。繼以荒饉。軍儲國計。資用皆空。凋戶疲
昨。膏澤已竭。致人于此。過實在予。內懷憂慙。躬
自損貶。今克渠殘。滅粟麥豐成。皆祖宗垂休。非
寡薄所致。矧乎邦畿之內。餒殍猶多。役戍之徒
傷夷未復。孜孜暇戒。克已增修。猶懼辱守寶圖。
罔答玄祐。豈宜假逸。以厚厥躬。卿等誠在致君。
將順其美。顧惟虛缺。非所宜然。

答百寮請復御膳表

頃者大勞不息。至化未孚。雨澤愆期。蟲蝗爲害。朕以銷災謝譴。莫大于修誠節用。愛人必先于克己。顧慙愆咎。躬貶膳羞。下以均衆。庶之憂上。以答昊穹之儆。至誠或感。嘉應遂臻。宿麥方成。元兇已殄。慶深德薄。揚厲彌加。忽覽表章。過爲稱述。雖將順其美。則曰乃誠而戒慎。不忘諒惟朕志。未喻來請。深體此懷。